

漢書評林

世二

119
49
20

庫文閣内		漢
五九	三六	卷
四九	一八	架
冊	冊	類

内閣文庫	
番號	漢 5936
冊數	49 (31)
函號	279 62



綴じ部(喉部分)の文字など開きが不鮮明な箇所あり

119
49
20

漢書評林

第六十二卷

第六十三卷

第六十四卷

嚴朱吾立

嚴朱吾立

嚴朱吾立

嚴朱吾立

嚴朱吾立

漢書評林


三十二

東 京 圖 書 館

四七	五	正史類	漢書門
冊	號	函	類

四九	五九三六	漢書門
冊	架	函
	號	類

不許帶出





漢書評林卷之六十三

吳興後學凌稚隆輯校

武五子傳第三十三

武五子傳第三十三

開雅文庫

琴約言曰武帝開博望苑通賓客以致諸子皆以術致之也

師古曰諸帝子傳皆言王而此獨云子者以承太子在其中也

隆按先總叙太子前而後以次分叙之如十

孝武皇帝六男衛皇后生戾太子趙婕妤生孝昭帝

三王傳例

王夫人生齊懷王閔師古曰李姬生燕王旦廣陵

茅坤曰戾太子傳只緣父子間不當隔絕遂至議臣生嫌可為後世鑒

厲王胥師古曰不知官秩故云李姬諱法暴疾無親日刺刺音來葛反李夫人生昌

隆按使通賓客伏後使客為使者為將師察故多以異端進者伏後巫蠱之變

邑哀王師古曰博音博

戾太子據元狩元年立為皇太子年七歲矣初上年


二十九迺得太子甚喜為之謀師古曰謀求子之使神也解在枚皇傳使

東方朔枚臯作禱祝師古曰祝辭少壯詔受公羊春秋

又從瑕丘江公受穀梁及冠就宮上為立博望苑

日取其廣博觀均主也使通賓客從其所好故多以異端進者元

鼎四年納史良娣常昭曰太子有妃有產子男進號良娣有孺子凡三等



晏駕解在承文卷

巫蠱見武紀

祝見末紀

省中解在昭紀

隆接兩公主皆有衛后所生方太子未敗之前兩公主其已坐誅矣則其母與兄豈有全理又奚得江玄之讚哉

蘇軾曰漢武始皇皆果于殺者也故其子如扶蘇之仁則寧死而不請如戾太子之悍則寧反而不請知新之必不察也戾太子豈真反者哉計出於無聊也故為二君之子者有死與反而隆接急然德言以念扶蘇事一語激之也然戾太子之禍成于德矣

胡寅曰太子既不勝念而斬充猶可身之甘泉庶幾見察方且發中廐車載射士出武庫兵發長樂衛卒是將何為少傅不之諫皇后不之止拒丞相軍合戰五日是真反矣至此罪不可貸則亡而經死非不幸也

曰史皇孫張晏曰皆以舅氏姓為氏武帝末衛后寵

衰江充用事充與太子及衛氏有隙指使者劾太子

家軍行馳道上沒入車恐上晏駕後為太子所誅會

巫蠱事起充因此為姦是時上春秋高意多所惡以

為左右皆為蠱道祝詛窮治其事丞相公孫賀父子

陽石諸邑公主師古曰及皇后弟子長平侯衛伉皆

坐誅語在公孫賀江充傳充與治巫蠱既知上意白

言宮中有蠱氣入宮至省中壞御座掘地上使按道

侯韓說御史章贛黃門蘇文等助充師古曰充遂至

太子宮掘蠱得桐木人時上疾辟暑甘泉宮師古曰

避獨皇后太子在師古曰太子召問少傅石德曰石

慶德懼為師傅并誅因謂太子曰前丞相父子兩公

主及衛氏皆坐此今巫與使者掘地得徵驗不知巫

置之邪將實有也無以自明可矯以節收捕充等繫

獄師古曰矯託窮治其姦詐且上疾在甘泉皇后及

家吏請問皆不報蘇林曰家吏皇后也臣贊曰太

既言皇后及家吏此為皇上存亡未可知而姦臣如

此太子將不念秦扶蘇事邪太子急然德言征和二

年七月壬午乃使客為使者收捕充等按道侯說疑

使者有詐不肯受詔客格殺說御史章贛被創突亡

自歸甘泉太子使舍人無音子問反持節夜入未

央宮殿長秋門因長御倚華鄭氏曰長音長者如淳

中皇后見經娥以下長御稱謝日漢儀注女長御地侍

倚華字也師古曰倚音於綺反具白皇后發中廐車

載射士師古曰中廐皇出武庫兵發長樂宮衛告令

百官曰江充反廼斬充以狗炙胡坐上林中服度曰

之胡人也炙燒也師古曰胡坐受炙意指妄作蠱狀


太子特忿且欲得其情實故以火炙之念毒痛耳

黃震曰觀及太
字事益知教太
子不可不謹
陳仁子曰此一
巫蠱之事太子
不得言公卿不
敢言而一老若
茂獨出位言之
武帝翻然改悟
亟賜赦宥雖江
充之姦發蘇文
之惡則元良不
墮而望思之臺
可不作矣而李
何帝聽三老之
言猶疎也
王維積曰振庚
太子為舜而帝
警更此引証甚
非是

遂部賓客為將率與丞相劉屈氂等戰長安中擾亂
言太子反以故眾不肯附太子兵敗亡不得師古曰
捕不得也上怒甚羣下憂懼不知所出
關三老茂上書曰師古曰壺關上黨之縣也荀悅漢
臣聞父者猶天母者猶地子猶萬物也故天平
地安陰陽和調物迺茂成父慈母愛室家之中子迺
孝順陰陽不和則萬物天傷父子不和則室家喪亡
故父不父則子不子君不君則臣不臣雖有粟吾豈
得而食諸昔者虞舜孝之至也而不中於警師古曰
也孝也被謫伯奇放流伯奇解見上骨肉至親父子
相疑何者積毀之所生也由是觀之子無不孝而父
有不察今皇太子為漢適嗣承萬世之業體祖宗之
重親則皇帝之宗子也江充布衣之人間閭之隸臣

隆按子以受父兵
三句可以白矣
太子心矣是總
括語

耳師古曰陛下顯而用之銜至尊之命以迫斃皇太
子師古曰造飾姦詐羣邪錯謬是以親戚之路隔
塞而不通師古曰太子進則不得上見退則困於
亂臣獨冤結而亡告不忍忿忿之心起而殺充恐懼
遁逃子盜父兵以救難自免耳臣竊以為無邪心諱
云營營青蠅止于藩愷愷君子無信讒言讒言固極
交亂四國師古曰小雅青蠅之詩也營營往來之貌
藩籬也白作黑讒人構毀間親命疏樂易之君子不
當信用若讒言無極則四國亦以交亂宜深察也
往者江充讒殺趙太子天下莫不聞其罪固宜陛下
不省察深過太子師古曰以太子為發盛怒舉太兵
而求之三公自將智者不敢言辯士不敢說臣竊痛
之臣聞子胥盡忠而忘其號師古曰忘其號也吳王殺
號比干盡仁而遺其身忠臣竭誠不顧鈇鉞之誅以



應按少察所親
應上交有不察

凌地知曰董開
三老言于天子
未死之前而田
千秋則言于太
子既死之後其
野執難易自有
不同者

按主人公著
家主也東方
朔傳願謁主人公是也

隆按此詔疑有
闕文
又按侯李壽張

富而不及主人
公似缺典
王楙曰車千秋
以訟太子冤擢
為丞相而盡闕
二老竟不聞尺
寸之賞此與周
生言霍氏同
隆按結江充蘇
又及吏捕太子
諸察

凌約言曰此處
宜點出立昭帝
一節庶於下文
陛下為孝昭後
句有情

陳其愚志在匡君安社稷也詩云取彼譖人投畀豺

虎師古曰小雅巷伯之詩也言譖讒之人誠唯陛下

寬心慰意少察所親師古曰父子之母患太子之非

亟罷甲兵無令太子久亡臣不勝惓惓出一旦之命

待罪建章闕下書奏天子感寤太子之亡也東至湖

師古曰湖縣名今朔州聞臧匿泉鳩里師古曰泉鳩

縣東南十五里見有某主人家貧常賣屨以給太子

太子有故人在湖聞其富贍使人呼之而發覺吏圍

捕太子太子自度不得脫即入室距戶自經山陽男

子張富昌為卒足跡開戶新安令史李壽趨抱解太

子主人公遂格鬪死皇孫二人皆并遇害上既傷太

子乃下詔曰蓋行疑賞所以申信也其封李壽為邢

侯師古曰邢在河內師古曰張富昌為題侯縣名也

平陽曰地理志無也功臣表

食邑鉅鹿師古曰晉說是也久之巫蠱事多不信上

知太子惶恐無他意而車千秋復訟太子冤上遂擢

千秋為丞相而族滅江充家焚蘇文於橫橋上孟康

音光師古曰即及泉鳩里加兵刃於太子者初為北

地太守後族上憐太子無辜乃作思子宮為歸來望

思之臺於湖師古曰言已望而思之庶太子之寤天

下聞而悲之初太子有二男一女女者平輿侯嗣子

尚焉及太子敗皆同時遇害衛后史良娣葬長安城

南史皇孫皇孫妃主夫人及皇女孫葬廣明蘇林曰

皇孫二人隨太子者與太子并葬湖太子有遺孫一

人史皇孫子王夫人男年十八即尊位是為孝宣帝

帝初即位下詔曰故皇太子在湖未有號謚歲時祠

其議謚置園邑有司奏請禮為人後者為之子也故

洪迈曰庚太子死武帝追悔為之族江充家蘇文助充至於焚殺之日千秋以一言至為丞相又作思子官為歸來望思之臺然其孤囚繫於郡邸獨不能獨之至於掖庭令豈非漢法至嚴既坐太子以反逆之罪雖心知其冤而有所不赦者乎

重份曰三策文可與周書請命同為古雅隆按各以國土風俗中戒句此三策綱領

降其父母不得祭師古曰謂尊祖之義也陛下為孝昭帝後承祖宗之祀制禮不踰閑謹行視孝昭帝所為故皇太子起位在湖文穎曰位家位也史良娣家在博望苑北親史皇孫位在廣明郭北如淳曰親諡法曰諡者行之迹也愚以為親諡宜曰悼皇母曰悼后比諸侯王園置奉邑三百家故皇太子諡曰戾置奉邑二百家史良娣曰戾夫人置守冢三十家園置長承周衛奉守如法以湖閔鄉邪里聚為茱園孟康曰閔古反閔字本從曼其後轉訛誤遂作閔中受耳而郭璞迺音汝投反蓋失理遠耳長安白亭東為戾后園廣明成鄉為悼園皆改葬焉後八歲有司復言禮又為士子為天子祭以天子悼園宜稱尊號曰皇考立廟因園為寢以特薦享焉益奉園民滿十六百家以為奉明縣尊榮夫人曰戾后置園奉邑及益戾園各滿三百家齊懷王閑與燕王卑廣陵王胥同日立皆賜策各以國土風俗申戒焉曰惟元狩六年四月乙巳皇帝使御史大夫湯師古曰張湯廟立子閑為齊王師古曰於烏呼小子閑受茲青社張晏曰王者以五色土為太社歸以立社朕承天序惟稽古建爾國家封于東土世為漢藩輔嗚呼念哉共朕之詔師古曰共惟命不于常人之好德克明顯光義之不圖俾君子忘師古曰日言人若好德則能明顯有光輝若不圖於悉爾心義則君子懈怠無歸附之者圖謀也俾使也于爾躬嗚呼保國又民可不敬與王其戒之閑母王夫人有寵閑尤愛幸立八年薨無子國除燕刺王卑賜策曰嗚呼小子卑受茲玄社建爾國家

封于北土世為漢藩輔嗚呼薰鬻氏虐老獸心以姦

巧邊師古曰虐老謂貴少壯而食甘肥賤者老而

與粗惡也獸心言貪暴而無仁朕命將率徂征厥罪

義也師古曰萬夫長千夫長三十有二帥張晏曰時所獲

徂往也如淳曰昆邪王復薰鬻徙城張晏曰匈奴北

降旗奔師其旗鼓而來降也薰鬻徙城張晏曰匈奴北

州以安臣贊曰安也師悉爾心毋作怨毋作悲德

服古曰非薄也師古曰毋廢迺備師古曰德邊非教

士不得從徵張晏曰士不素王其戒之且壯大就國

為人辯略博學經書雜說好星歷數術倡優射獵之

事招致游士及衛太子敗齊懷王又薨皇自以次第

當立上書求入宿衛上怒下其使獄後坐臧匿亡命

削良鄉安次文安三縣武帝由是惡且後遂立少子

為太子帝崩太子立是為孝昭帝賜諸侯王璽書且

得書不肯哭曰璽書封小張晏曰文京師疑有變遣

幸臣壽西長孫縱之王孺等之長安以問禮儀為名

王孺見執金吾廣意師古曰問帝崩所病師古曰因

立者誰子年幾歲廣意言待詔五柞宮師古曰宮

中謹言帝崩諸將軍共立太子為帝年八九歲葬時

不出臨歸以報王王曰上存羣臣無語蓋主又不

得見甚可怪也復遣中大夫至京師上書言竊見幸

武皇帝躬聖道孝宗廟慈愛骨肉和集兆民德配天

地明並日月威武洋溢遠方執寶而朝增郡數十斥

地且倍師古曰封泰山禪梁父巡狩天下遠方珍物

陳于太廟德甚休盛請立廟郡國奏報聞時大將軍

霍光秉政褒賜燕王錢二千萬益封萬二千戶皇怒

曰我當為帝何賜也遂與宗室中山哀王子劉長齊

茅坤曰且之反較之他藩王吳七國及淮南以下不同時昭帝僅八歲而惠帝崩少帝均非惠帝子嚮非少帝自為諱此而中外相與擁戴呂

后稱制八年語所謂以託踵訛天下固不測也且思戾太子廢齊懷王薨次當立天焉得不自疑哉特當武帝時既以上書求入宿衛已被斬使震怒矣而况王所自為多不以道故中外洎凶事未發而人情先不安耳上官桀桑弘羊輩又豈可恃者卒自亡悲夫

茅坤曰此狂悖之始

子大夫解在董仲舒傳

孝王孫劉澤等結謀詐言以武帝時受詔得職吏事
修武備備非常如淳曰諸侯不得治民與職事是以
長於是為且命令羣臣曰寡人賴先帝休德獲奉北
藩親受明詔職吏事領庫兵飭武備任重職大夙夜
兢兢子大夫將何以規佐寡人且燕國雖小成周之
建國也師古曰自周以來即上自召公下及昭襄師
日召公謂召公奭也昭襄六國時燕之一王也召讀曰邵于今千載豈可謂無賢
哉寡人束帶聽朝三十餘年曾無聞焉其者寡人之
不及與意亦子大夫之思有所不至乎其各安在方
今寡人欲擣邪防非章聞揚和師古曰擣正也章表
也撫慰百姓移風易俗厥路何由子大夫其各悉心
以對寡人將察焉羣臣皆免冠謝郎中成軫謂且曰
大王失職獨可起而索不可坐而得也師古曰失職

茅坤曰且之所
以亂特由聞故
事如此
王維楨曰且非
真疑特篤言以
起寡尔

旄頭解在
東方朔傳

而不被用也索求也 大王壹起國中雖女子皆奮臂隨大王且
曰前而后時偽立子弘為皇帝諸侯交手事之八年
出太后崩大臣誅諸呂迎立文帝天下乃知非孝惠
子也我親武帝長子反不得立上書請立廟又不聽
立者疑非劉氏即與劉澤謀為姦書言少帝非武帝
子大臣所共立天下宜共伐之使人傳行郡國以搖
動百姓澤謀歸發兵臨淄與燕王俱起且遂招來郡
國姦人賦歛銅鐵作甲兵數關其車騎材官卒建旌
旗鼓車旄頭先歐師古曰歐郎中侍從者著貂羽黃
金附蟬晉灼曰以貂羽飾冠也師古曰貂羽以貂尾
旄頭先驅皆天子之制而貂羽附皆號侍中且從相
中尉以下勒車騎發民會圍大獵文安縣以講士馬
須期日師古曰講習也須待也郎中韓義等數諫且且殺義等

隆按先結劉澤

凡十五人會餅侯劉成知澤等謀師古曰餅侯音步

反告之青州刺史雋不疑不疑收捕澤以聞天子遣

大鴻臚丞洽連引燕王有詔勿治而劉澤等皆伏誅

益封餅侯久之且姊鄂邑蓋長公主張晏曰食邑

師古曰為蓋侯妻是也非王信信者武帝之左將軍

上官桀父子與霍光爭權有隙皆知且怨光即私與

燕交通且遣孫縱之等前後十餘輩多齎金寶走馬

師古曰走馬賂遺蓋主上官桀及御史大夫桑弘羊

等皆與交通數記疏光遺失與且令上書告之桀欲

從中下其章師古曰下音胡穆反且聞之喜上疏曰昔秦據南

面之位制一世之命威服四夷輕弱骨肉顯重異族

廢道任刑無恩宗室其後尉佗入南夷陳涉呼楚澤

師古曰呼近狎作亂內外俱發師古曰狎習也近趙

氏無炊火焉師古曰趙秦之別氏師高皇帝覽蹤迹

觀得失見秦建本非是故改其路規土連城布王子

孫師古曰是以支葉扶疏異姓不得間也師古曰間

今陛下承明繼成師古曰承聖明之業委任公卿羣臣

連與成朋非毀宗室師古曰與謂黨與也膚受之愆日騁於廷

惡吏廢法立威主恩不及下統師古曰統竟也臣聞

武帝使中郎將蘇武使匈奴見留二十年不降還置

為典屬國師古曰今大將軍長史敞無勞為搜粟都

尉師古曰又將軍都郎羽林張晏曰都試郎羽林也

師古曰道上移蹕如淳曰移太官先

置師古曰昭紀云詐令人為燕王甲上書又得知之

而此傳乃云自上下疏此下又云帝覺

有詐遂親信光參錯不同疑此傳為誤

臣中願歸符

凌約言曰且自
先帝時脾魄神
器上書求入宿
衛既削三縣矣

已為謀不軌幸
帝寬之胡復願
歸符不若前故
事豈以帝當
中亦愚矣

隆按將叙且之
敗先歷言效怪
之舉見已言敗
徵云

遂親信霍光而疏上官桀等桀等因謀共殺光廢帝

迎立燕王為太子申置驛書往來相報許立桀為王

外連郡國豪桀以千數申以語相平平曰大王前與

劉澤結謀事未成而發覺者以劉澤素夸好侵陵也

平聞左將軍素輕易車騎將軍少而驕臣恐其如劉

澤時不能成又恐既成反大王也申曰前日一男子

詣闕自謂故太子長安中民趣鄉之正謹不可止師

故謹謹也師大將軍恐出兵陳之以自備耳我帝長

子天下所信何憂反後謂羣臣蓋主報言獨患大

將軍與右將軍王莽張晏曰天水人也字雅叔今右將軍物故師

日謂丞相病幸事必成徵不久令羣臣皆裝是時天

雨虹下屬宮中師古曰屬猶注也音之欲反飲井水井水泉竭廁

中豕羣出壞大官竈師古曰廁養豕困也困音胡困反烏鵲鬪死鼠

舞殿端門中師古曰端殿上戶自閉不可開天火燒

城門大風壞宮城樓折拔樹木流星下墮后姬以下

皆恐王驚病使入祠設水台水晉灼曰地理志設水在廣平南和台水在

鴈門師古曰設音家音怡王客呂廣等知星為王言當有兵圍

城期在九月十月漢嘗有太臣戮死者語具在五行

志王愈憂恐謂廣等曰謀事不成妖祥數見兵氣且

至奈何會蓋主舍人父燕倉知其謀告之由是發覺

丞相賜爾書部中二千石逐捕孫縱之及左將軍桀

等皆伏誅申聞之召相平曰事敗遂發兵乎平曰左

將軍已死百姓皆知之不可發也王憂適師古曰適音蕭又音

闕解在司置酒萬載宮會賓客羣臣妃妾坐飲王自

歌曰歸空城兮狗不吠雞不鳴橫術何廣廣兮固知

國中之無人蘇林曰廣音曠臣贊曰術道路也師古

華坤曰聖書佳

陳仁子曰燕王
且之悖逆輕躁
誅之蓋不可勝
誅者而昭帝赦
責殺言辱過朝
市愧心一生卒
自殺死在漢不
傷大体在燕不
道大戮也言語
繩人甚于刑法
若是哉

也當先正華容夫人起舞曰髮紛紛兮真渠五康曰真音

岸也臣瓚曰真塞溝渠師古骨籍籍兮亡居師古曰

橫貌居師古曰毋求死子兮妻求死夫裴回兩渠間兮君子

獨安居師古曰置酒之宮池沼所在其間坐者皆泣

有赦令到王讀之曰嗟乎獨赦吏民不赦我因迎后

姬諸夫人之明光殿王曰老虜曹為事當族師古曰

欲自殺左右曰黨得前國師古曰幸不死后姬夫

人共啼泣止王會天子使使者賜燕王璽書曰昔高

皇帝王天下建王子弟以藩屏社稷先日諸呂陰謀

大逆劉氏不絕若髮賴絳侯等誅討賊亂尊立孝文

以安宗廟非以中外有人表裏相應故邪樊鄴曹灌

搆劍推鋒師古曰樊噲曹鄴從高皇帝豕畜除害耘鉏

海內師古曰當此之時頭如蓬葆頭文不山理如蓬

日音葆音保勤苦至矣然其賞不過封侯今宗室子孫

曾無暴衣露冠之勞裂地而王之分財而賜之父死

子繼兄終弟及今王骨肉至親敵吾一體迺與他姓

異族謀害社稷親其所疏疏其所親有逆悖之心無

忠愛之義如使吾人有知當何面自復奉齊耐見高

祖之廟乎師古曰甲得書以符璽屬醫工長師古

委也醫工長王官之主謝相二千石奉事不謹死矣

即以綬自殺后夫人隨且自殺者二十餘人天子加

恩赦王太子建為庶人賜且謚曰刺王甲立三十八

年而誅國除後六年宣帝即位封且兩子慶為新昌

侯賢為安定侯又立故太子建是為廣陽頃王二十

九年薨子穆王舜嗣二十一年薨子思王璜嗣二十

年薨子嘉嗣王莽時皆廢漢藩王為家人嘉獨以獻

年薨子嘉嗣王莽時皆廢漢藩王為家人嘉獨以獻

符命封扶美侯賜姓王氏

廣陵厲王胥賜策曰嗚呼小子胥受茲赤社建爾國

家封于南土世世為漢藩輔古人有言曰大江之南

五湖之間其人輕心楊州保疆李奇曰三代要服不

及以正師古曰要服文荒服之內也鳥呼悉爾心祗祗

兢兢迺惠迺順毋桐好逸毋適齊人應劭曰無好逸

不作威靡有後羞王其戒之胥壯大好倡樂逸游力

扛鼎師古曰空手搏熊羆猛獸動作無法度故終不

得為漢嗣昭帝初立益封胥萬三千戶元鳳中八朝

復益萬戶賜錢二千萬黃金二千斤安車駟馬寶劍

及宣帝即位封胥四子璽寶昌皆為列侯又立胥

小子弘為高密王所以褒賞甚厚始昭帝時胥見上

年少無子有觀欲心師古曰觀音真而楚地巫鬼胥迎女巫

李女須使下神祝詛師古曰女須之名女須泣曰孝武帝下

我左右皆伏師古曰見女須云武言吾必令胥為天

子胥多賜女須錢使禱巫山師古曰即楚會昭帝崩

胥曰女須良巫也殺牛塞禱師古曰塞音先代反

及昌邑王徵復使巫祝詛之後王廢胥濞信女須等

何以及得立復令女須祝詛如前又胥女為楚王乘

壽后弟婦數相謁遺通私書後延壽坐謀反誅辭連

及胥有詔勿治賜胥黃金前後五千斤它器物甚衆

胥又聞漢立太子謂姬南等曰我終不得立矣乃止

不詛後胥子南利疾寶坐殺人奪爵還歸廣陵與胥

姬左修姦事發覺繫獄棄市相勝之奏奪王射陵草

唐順之曰先叙其大駭于此則後面敘詛祝死文字清楚

自知錄曰言孝武帝降德其身而言

隆按曰太子孫何以反得立曰我終不得立其言本吾必令胥為天子一句來

唐順之曰類叙之法此篇最爲明白可見

日口叙言神飛揚將來此馬
而遠適重之外張晏以爲
驛馬非

田以賦貧民

張晏曰射水之改在射陽縣

秦可甯復使巫祝詛如

前甯宮園中棗樹生十餘莖莖正赤葉白如素池水

變赤魚死有鼠晝立舞土后庭中甯謂姬南等曰棗

水魚鼠之怪甚可惡也居數月祝詛事發覺有司按

驗甯惶恐藥殺巫及宮人二十餘人以絕口公卿請

誅甯天子遣廷尉大鴻臚即訊甯謝曰罪死有餘誠

皆有之事久遠請歸思念具對甯既見使者還置酒

顯陽殿召太子霸及子女董書胡生等夜飲師古曰

生皆師古曰使所幸八子郭昭君家人子趙左君等鼓瑟歌

舞師古曰也家人子無官秩者也王自歌曰欲久生兮無

終長不樂兮安窮師古曰人所以欲久生者貴其安

焉用窮盡奉天期兮不得須臾張晏曰奉天子期

年壽也里馬兮駐待路張晏曰二鄉亭黃泉下兮幽深人生

要死何爲苦心何用爲樂心所喜出入無悰爲樂取

常昭曰悰亦樂也音裁宗反亟數亦疾也謂不久也

言人生以何爲樂但以心志所喜好耶今我出入皆

無歡恰不得久長也喜師古曰音許吏及亟音丘吏反

高皇召兮郭門闕師古曰里死人里

死不得取代庸身自逝師古曰言死當自去不如他

列反左右悉更滄泣奏酒師古曰更互也奏至雞鳴

時罷甯謂太子霸曰上遇我厚今負之甚我死骸骨

當暴幸而得葬薄之無厚也即以綬自殺死及八子

郭昭君等二人皆自殺天子加恩赦王諸子皆爲庶

人賜諡曰厲王立六十四年而誅國除後七年元帝

復立甯太子霸是爲孝王十二年薨子共王憲嗣師古

日共讀二年薨子哀王護嗣十六年薨無子絕後六

年成帝復立孝王子守是爲靖王立二十年薨子宏

嗣王莽時絕初高帝哀王弘本始元年以廣陵王胥

宣帝五鳳四年正月

唐順之日直叙
隆按實傳分兩
截看大都前叙
其以侍亂而見
廢後叙其以清
狂而自保云

隆按實到濟陽
以下懸叙皆在
道時之侍亂為
下文議廢張本

少子立九年薨于頃王章嗣三十二年薨于懷王寬
嗣十一年薨于慎嗣王莽時絕

昌邑來王請天漢四年立十一年薨于賀嗣立十三
年昭帝崩無嗣大將軍霍光徵王賀典喪師古曰令

聖書曰制詔昌邑王師古曰太使行大鴻臚事少府
樂成師古曰宗正德光祿大夫吉師古曰中郎將利

漢師古曰徵王乘七乘傳詣長安師古曰夜漏未盡一刻
以次發書其日中賀發晡時至宛陶行百三十五里

侍從者馬死相望於道郎中令龔遂諫王令還郎謁
者五十餘人賀到濟陽求長鳴師古曰道買積

竹杖文穎曰合過弘農使大奴善以衣車載女子師古曰
日凡言天故者謂至湖師古曰使者以讓相安樂張

日使者長安使人安樂告遂遂入問賀賀曰無有遂
日即無有何愛一番以毀行義請收屬吏師古曰

屬音之欲反以瀚洒大王師古曰刑辭也洒濯也瀚
其下亦同即控善屬衛士長行法師古曰控持頭也衛士長

到霸上大鴻臚郊迎驪奉乘輿車王使僕壽成御郎
中令遂參乘旦至廣明東都門遂曰禮奔喪望見國

都哭此長安東郭門也賀曰我嗟痛不能哭師古曰
也音至城門遂復言賀曰城門與郭門等耳且至未

央宮東闕遂曰昌邑帳在是闕外馳道北文穎曰
謂此是未至帳所有南北行道馬足未至數步太主

宜下車趨闕西面伏哭盡哀止王曰諾到哭如儀王
受皇帝璽綬襲尊號即位二十七日行淫亂大將軍

光與羣臣議白孝昭皇后廢賀歸故國賜湯沐邑二
千戶故王家財物皆與賀及哀王女四人各賜湯沐

奔後白望其國竟矣

按言無頭而
又冠方山冠
若無頭不得
冠可也

五行志中之
上白青下板十四

隆披初在國以
下道叙智在國
時之妖怪見其
所以廢已先有
兆云

矢与屎同
廉頗傳三
遺矢

惡畫其積也

茅坤曰遂之忠
惴惴如此

隆披先提心內
忌實一句說明
宣帝心裏然後
帝之制詔與敵
之條奏其所指
摘而不顯言處
驟然矣

洪邁曰按光武
廢太子疆為東
海王而立顯宗
顯宗即位待疆
彌厚官顯皆雜
伯道治尚剛嚴
獨此事顯優于
宣多矣

邑千戶語在霍光傳國除為山陽郡初賀在國數
有怪嘗見白犬高三尺無頭其頸以下似人而冠方
山冠後見熊左右皆莫見又大鳥飛集宮中王知惡
之輒以問郎中令遂遂為言其故語在五行志王印
矢歎曰不祥何為數來讀日印遂即頭曰臣不敢

隱忠數言危亡之戒太王不說夫國之存亡豈在臣
言哉願王內自揆度太王誦詩二百五篇人事決王
道備師古曰決徹也音子勝反王之所行中詩一篇何等也師古

王所行皆不合法度王大主位為諸侯王行汗於庶
人以存難以正易宜深察之後又血汗王坐席王問
遂遂叫然號曰宮空不久妖祥數至血者陰憂象也

宜畏慎自省賀終不改節居無何徵既即位後王夢
青蠅之矢積粟階東可五六石以屋版瓦覆發視之

青蠅矢也以問遂遂曰陛下之詩不云乎蘇林曰編
讀上營營青蠅至于藩愷悌君子毋信讒言陛下左
側讒人衆多如是青蠅惡矣師古曰惡即矢也越庄

也宜進先帝大臣子孫親近以為左右如不忍昌邑
故人師古曰不忍謂不能疏遠也信用讒諛必有凶咎願詭禍為
福皆放逐之臣當先逐矣賀不用其言卒至於廢大

將軍光更尊立武帝曾孫是為孝宣帝即位心內忌
賀元康二年遣使者賜山陽太守張敞璽書曰制詔
山陽太守其謹備盜賊察往來過客毋下所賜書師古

曰密令警察也敞於是條奏賀居處著其廢亡之效曰
臣敞地節三年五月視事故昌邑王居故宮奴婢在
中者百八十三人閉大門開小門廉吏一人為領錢

物市買朝內食物師古曰每它不得出入督盜一人

隆按為人一段
總是形容智之
不足忌處

唐順之曰曰昌邑
以執得全

劉子聲曰若賀
者可謂無道之
主非清狂不惠
者也賀憂不免
張敞之來故于
言語跪起之間
陽為顛狂以免
禍也初霍光廢
賀時令賀受詔
臣曰聞天子有
爭臣土人雖云
道不失天下觀
此應對豈清狂
不惠者耶賀雖
昏於治國亦善
於保身其得終
其天年抑有由
也

隆按由此知賀
不足忌是通前
結語與心內忌
賀句相應

別主徵循察往來者以王家錢取卒李奇曰列遮也鄧展曰今其官中清靖不得還官清中備盜

賊李奇曰列遮也鄧展曰今其官中清靖不得數遣丞更行察師古曰行四年九月中臣敞入視居

處狀故主年二十六七為入青黑色小目鼻末銳卑

少須眉身體長大疾痿行步不便師古曰痿風痺反

短衣大袴冠惠文冠蘇林曰治獄法冠也孟康曰今

日趙惠文王所服故曰惠文晉灼曰柱後佩玉環簪

筆持牘趨謁師古曰簪筆插筆也臣敞與坐語中庭閱

妻子奴婢臣敞欲動觀其意即以惡鳥感之曰昌邑

多臬故主應曰然前賀西至長安殊無臬復來東至

濟陽迺復聞臬聲臣敞閱至子女持纒師古曰賀之

故主跪曰持纒毋嚴長孫女也臣敞故知執金吾嚴

延年字長孫女羅紉師古曰羅紉其前為故主妻察

故主衣服言語跪起清狂不惠蘇林曰凡狂者陰陽

似狂者故言清狂也或曰色理清徐脈盡濁今此人不狂

而心不慧曰清狂清狂如今白癡也妻十六人子二

十二人其十一人男十一人女昧死奏各籍及奴婢

財物簿臣敞前書言昌邑哀王歌舞者張修等十人

無子又非姬但良人無官名王薨當罷歸太傅豹等

擅留以為哀王園中人所不當得為請罷歸師古曰

然故王聞之曰中人守園疾者當勿治相殺傷者當

勿法欲令亟死太守奈何而欲罷之其天資喜由亂

亡終不見仁義如此後丞相御史以臣敞書聞奏可

皆以遣上由此知賀不足忌其明年春迺下詔曰蓋

聞象有罪舜封之骨肉之親析而不殊師古曰析分

其封故昌邑王賀為海昏侯食邑四千戶師古曰海

縣侍中衛尉金安上上書言賀天之所棄陛下至仁

昌邑王賀為海昏侯食邑四千戶

有鼻解在鄒陽傳

復封為列侯。賀黜頑放廢之人，不宜得奉宗廟朝聘之禮。奏可。賀就國。豫章數年，楊州刺史柯奏賀師古曰柯與故太守卒史孫萬世交通，萬世問賀前見廢時，何不堅守，毋出宮，斬大將軍而聽人奪爾殺乎？賀曰：然失之萬世，又以賀且王豫章，不父為列侯，賀曰：且然師古曰謂非所宜言，有司案驗，請逮捕制曰：削戶三千。後薨，豫章太守廖奏言：葬封象於有鼻師古曰廖太守名也，有鼻在零陵，今鼻亭是也，廖音聊死，不為置後，以為暴亂之人，不宜為太祖師古曰謂一海昏侯賀死，上當為後者子充國師古曰上謂由充國死，復上第奉親，奉親復死，是天絕之也。陛下聖仁，於賀甚厚，雖葬於象，無以加也。宜以禮絕賀，以奉天意願。下有司議，議皆以為不宜為立嗣。國除，元帝即位，復封賀子代宗為海昏侯。傳子至孫，今身為侯。

劉奉世曰：撥武紀建元六年長星見，更元光至元朔元年春，太子始生，替殊為乖誤。

贊曰：巫蠱之禍，豈不哀哉！此不唯一汗充之辜，亦有天時非人力所致焉。建元六年，蚩尤之旗見，其長竟天，後遂命將出征，略取河南，建置朔方。其春，庚太子生，自是之後，師行三十年，兵所誅屠夷滅死者不可勝數。及巫蠱事起，京師流血，僵尸數萬師古曰僵尸，也音居羊反。太子子父皆敗，故太子生長於兵，與之終始，何獨一嬖臣哉？秦始皇即位三十九年內，平六國外，攘四夷，死人如亂麻，暴骨長城之下，頭盧相屬於道師古曰也屬連也，反不一日而無兵，由是山東之難與四方，漢昔之欲反也。而逆秦將吏外畔，賊臣內發，亂作蕭牆，禍成三世，故曰兵猶火也，弗戢必自焚師古曰左傳隱四年衛仲曰州吁其戍乎對曰兵猶火也，不戢將自焚也，信矣也言兵不可妄動，又而不戢則自焚燒戢斂也。

漢書卷六十三

愚按軍中
為武班椽
迂誕之書
何耶

二年存傳止戈
措在傳引倉頡
隆按蔡意謂武
帝酷烈不赦始
皇始皇禍鍾二
世則武帝之禍
宜鍾及太子矣
故以江充之辜
歸之天時而至
千秋指明蠱情
亦謂其有默佑
之以過亂者皆
以貴武帝也首
尾天子相應

司馬相如傳嚴
忌夫子嚴志本
漢明帝諱故
遂為嚴耳當
時尊尚號曰
天子師古註

隆按九人文學
之士皆以建明
致高位而間不
得所終豈有言
者不必有德歟
又按此傳助也
而論中獨詳淮
南諫代聞越一
書其意蓋借此
以重青助云
茅坤曰固是帝
之英風大略然
亦不免開事竄
矣即從太子開
博望苑之意

是以倉頡作書止戈為武師古曰武字從止聖人以
武禁暴整亂止息兵戈非以為殘而興繼之也易曰
天之所助者順也人之所助者信也君子履信思順
自天祐之吉無不利也師古曰易故車千秋指明蠱
情章太子之冤千秋材知未必能過人也以其銷惡
運退亂原因衰激極道迎善氣師古曰激去至極之
道師古曰傳得天人之祐助云師古曰

漢書評林卷之六十三終

吳興後學凌稚隆輯校

漢書評林卷之六十四上 嚴朱吾丘主父徐嚴終王賈傳第三十四上

師古曰分嚴安

嚴助會稽吳人嚴夫子子也張晏曰夫或言族家子

也師古曰亦云夫郡舉賢良對策百餘人武帝善助

對策是獨擢助為中大夫後得朱買臣吾丘壽王司

馬相如主父偃徐樂嚴安東方朔枚臯膠倉終軍嚴

葱奇等並在左右是時征伐四夷開置邊郡軍旅數

發內改制度朝廷多事婁舉賢良文學之士公孫弘

起徒步數年至丞相開東閣延賢人與謀議朝覲奏

事因言國家便宜上令助等與大臣辨論中外相應

以義理之文師古曰中謂天子之賓客若嚴大臣數
誦其尤親幸者東方朔枚臯嚴助吾丘壽王司馬相

隆按從前至此
總只指出助最
先進一句
又按通鑑考異
云是時蚡不為
太尉云太尉誤
也下云太尉不
足與計蓋追呼
其官或亦誤耳

唐順之曰此書
如走盤之珠不
可捉摸
茅坤曰淮南書
疏佳然不以入
淮南王傳而以
載於此蓋以此
則紀助論淮南
本末而彼則特
傳淮南致逆耳
事各以類序亦
亂家體覽者當
識之
林希元曰此書
言山川林麓溪
谷道路之險阻
物產地氣之凶
惡南越之風土
歷歷可見淮南
王未必能文常
集天下賢士為
賓客此其代筆
也

如相如常稱疾避事朔皇不根持論上頗俳優之

師古曰論議委隨不能拜唯助與壽王身任用而助

最先進建元三年閩越舉兵圍東甌東甌告急於漢

時武帝年未三十以問太尉田蚡蚡以為越人相攻

擊其常事又數反覆不足煩中國往救也自秦時棄

不屬於是助詰蚡曰特患力不能救德不能覆誠能

何故棄之且秦舉咸陽而棄之何但越也師古曰言

至京師也今小國以窮困來告急天子不振尚安所怨

舉也起也又何以于萬國乎上曰太尉不足與計吾

新即位不欲出虎符發兵郡國迺遣助以節發兵會

稽會稽守欲距法不為發師古曰以法距助迺斬一

司馬諭意指師古曰以天子遂發兵浮海救東甌未

至閩越引兵罷後三歲閩越復興兵擊南越南越守

天子約不敢擅發兵而上書以聞上多其義大為發

興遣兩將軍將兵誅閩越淮南王安上書諫曰陛下

臨天下布德施惠緩刑罰薄賦歛哀鰥寡恤孤獨養

耆老振匱乏盛德上隆和澤下洽近者親附遠者懷

德天下攝然孟康曰攝安人安其生自以沒身不見

兵革今聞有司舉兵將以誅越臣安竊為陛下重之

師古曰越方外之地剪髮文身之民也晉灼曰淮南

重難也張揖以為古翦字也師古不可以冠帶之國法度理

也自三代之盛胡越不與受正朔非疆弗能服威弗

能制也以為不居之地不牧之民不足以煩中國也

師古曰地不可居故古者封內甸服師古曰封內謂

而民不可牧養也封外侯服師古曰封外千里之內

也甸服主治王封外侯服也侯服也為王者斥侯侯

林希元曰巨聞越以下言越之地執不可代

師古曰又在侯衛之外而居九州之內戎狄荒服也
也要言以文德要來之取音一遙反曰此在九州之外者也荒言遠近執異也自漢初定
其荒忽絕遠來去無常也
已來七十二年吳越人相攻擊者不可勝數然天子
未嘗舉兵而入其地也臣聞越非有城郭邑里也處
谿谷之間篳竹之中師古曰竹叢也音皇習於水關
便於用舟地深昧而多水險也言多草木中國之人
不知其執阻而入其地雖百不當其一得其地不可
郡縣也攻之不可暴取也以地圖察其山川要塞相
去不過寸數而間獨數百里師古曰間中間也或
八九百里或千里也
阻險林叢弗能盡著師古曰不可視之易行之甚
難天下賴宗廟之靈方內大寧戴白之老不見兵革
民得夫婦相守父子相保陛下之德也越人名為藩
臣貢耐之奉不輸木內應劭曰越國僻遠珍奇之貢
宗廟之祭皆不與也大內都

唐順之曰前後反覆無非是說以中國勞費夷之意
隆按法度二字應前
林希元曰問者以下言時不利

唐虞之日深林叢竹應給谷篳

內也國家寶藏也師古曰百官公一卒之用不給上
卿表云治陳屬官有都內令丞也
事師古曰自相攻擊而陛下發兵救之是反以中國
而勞蠻夷也師古曰疲勞中國且越人愚讜輕薄負
約反覆其不用天子之法度非一日之積也壹不奉
詔舉兵誅之臣恐後兵革無時得息也間者數年歲
比不登民待賣爵鬻子以接衣食如淳曰淮南俗賣
子與人作奴婢名
為鬻子三年不能贖遂為奴婢師古曰鬻質也一說
云鬻子者謂令子出就婦家為贅婿耳贅婿解在賈
誦賴陛下德澤振救之得毋轉死溝壑四年不登五
年復蝗民生未復師古曰生今發兵行數千里資衣
糧入越地師古曰輿輻而隄頽服虔曰輻音橋梁謂
益道輿車也臣瓚曰
今竹輿車也江表作竹輿以行是也項昭曰陵絕水
日輻音旗廟反領山嶺也不通船車運轉皆擔輿也
師古曰服音瓚說也項氏謬矣此直言以輻過頽
理何云陵絕水乎又旗廟之音無所依據論輿輻同
控舟而入水師古曰控行數百千里夾以深林叢竹

水道上下擊石師古曰謂船觸石難以行也林中多蝮蛇猛獸師古曰蝮惡蛇也音敷夏月暑時歐泄霍亂之病相隨屬

也師古曰泄吐也音古制及曾未施兵接及死傷者必衆矣前時

南海王反陛下先臣使將軍聞忠將兵擊之文穎曰先臣

南厲王王傳作簡思此本作間轉寫字誤省耳以其軍降處

之上塗蘇林曰塗音耿舟之後復反會天暑多雨樓

船卒水居擊權權行舟之役故多死也權音直孝反

未戰而疾死者過半親老涕泣孤子號號師古曰號

破家散業迎尸千里之外裹骸骨而歸悲哀之氣數

年不息長老至今以為記曾未入其地而禍已至此

矣臣聞軍旅之後必有凶年言民之各以其愁苦之

氣薄陰陽之和感天地之精師古曰薄迫也而災氣為之生

也陛下德配天地明象日月恩至禽獸澤及草木一

人有饑寒不終其天年而死者為之悽愴於心今方

內無狗吠之警而使陛下甲卒死亡暴露中原霜清

山谷邊境之民為之早閉晏開師古曰晏不及夕古朝字也

不自保也臣安竊為陛下重之不習南方地形者多

以越為人衆兵彊能難邊城服虔曰為邊城作難也淮南全國

之時多為邊吏師古曰全國謂未分為二之時也淮南

形臣竊聞之與中國異限以高山人迹所絕車道不

通天地所以隔內外也其入中國必下領水領水之

山峭峻漂石破舟不可以大船載食糧下也越人欲

為變必先田餘千界中常昭曰越邑今鄞陽縣也積食糧迺入伐

柁治船邊城守候誠謹越人有入伐材者輒收捕焚

其積聚雖百越奈邊城何且越人餘力薄材師古曰

弱如縣不能陸戰又無車騎弓弩之用然而不可入

唐順之曰復說前意

說文曰擊支也。支撐也。故撐舟曰之擊。

老井曰大軍之後必有凶年

林希元曰前時以下舉漢故事為証

唐順之曰淮南厲王代越與秦代越分作兩處用之

林希元曰曾未入其地而禍已至此則入其地其禍尤甚可知

陰按臣安竊為陛下重之句前後相後應喚林希元曰不習南方以下言越不足為中國患茅坤曰漢時以嶺為界故其形執如此

唐順之曰復說前意

高帝紀老弱罷轉饒師
曰饒古餉字。野食曰餉。

白知録曰言聞
即下文所之會
善殺王以降者
書之時不知其
名故謂之甲猶
之來甲耳師古
匡非

茅坤曰亦是一
策
唐順之曰中國
盛或可招採之

兵入以下言代
越有禍

林希元曰臣聞
長老以下又舉
秦事以為戒
茅坤曰本色折
証

者以保地險而中國之人不能其水土也師古曰臣

聞越甲卒不下數千萬所以入之五倍師古曰

不減也漢軍多之五師古曰輓車奉饗者不在其中師古曰

借然後可入其地也師古曰輓車奉饗者不在其中師古曰

南方暑溼近夏瘴熱師古曰瘴黃暴露水居蝮蛇

蝨生師古曰毒也音登疾癘多作兵未血刃而病死者什二

三雖舉越國而虜之不足以償所亡臣聞道路言聞

越王弟甲弒而殺之師古曰甲者甲以誅死其民未

有所屬陛下若欲來內處之中國使重臣臨存師古

問之施德垂賞以招致之此必攜幼扶老以歸聖德

若陛下無所用之則繼其絕世存其亡國建其王侯

以為畜越師古曰李奇曰如人畜養六畜也此必委質為藩臣世共負職

陛下以方寸之印丈一之組填撫方外師古曰組不

勞一卒不頓一戟師古曰頓壞也而威德並行今以

兵入其地此必震恐以有司為欲屠滅之也必雉兔

逃入山林險阻師古曰如雉兔之逃竄昔而去之則

復相羣聚留而守之歷歲經年則士卒罷勸食糧乏

絕師古曰勸男子不得耕稼樹種婦人不得紡績織

維下壯從軍老弱轉餉居者無食行者無糧民苦兵

事亡逃者必眾隨而誅之不可勝盡盜賊必起臣聞

長老言秦之時嘗使尉屠睢擊越張晏曰郡都尉又

使監裒鑿渠通道張晏曰監郡御史也名裒越人逃入深山林叢

不可得攻留軍屯守空地曠日持久士卒勞倦越迺

出擊之秦兵大破迺發適戍以備之師古曰適當此

之時外內騷動百姓靡敝行者不還往者莫反皆不

聊生亡逃相從羣為盜賊於是山東之難始興此老

子所謂師之所處荆棘生之者也兵者凶事一方有

林希元曰臣聞以下言王師未必決勝茅坤曰又一種見識

隆按陛下以下復總前意而結言之

說大數大澤也爾雅稱地有十數之名謂天子乘車駕下解在高紀

元解在文紀元善也

汗馬之勞見公孫弘傳

唐順之曰竊恐二句尾掉

悉四面皆從臣恐變故之生姦邪之作由此始也周

易曰高宗伐鬼方三年而克之師古曰既濟鬼方小

蠻夷高宗殷之盛天子也以盛天子伐小蠻夷三年

而後克言用兵之不可不重也臣聞天子之兵有征

而無戰言莫敢校也如使越人蒙死微幸以逆執事

之頽行頽也師古曰頽行猶雁行在前行故曰斷與之立

有二不備而歸者張晏曰斷微與衆也師古曰斷析

雖得越王之首臣猶竊為大漢羞之陛下以四海

為境九州為家八數為圍江漢為池師古曰八數謂

大陸秦有楊汧宋有孟諸楚有雲夢吳越之間有具區齊有海隅鄭有圃田生民之屬皆

為臣妾人徒之衆足以奉千官之共師古曰千官猶

耳租稅之收足以給乘輿之御玩心神明秉執聖道

負補依師古曰負背也白與黑畫為斧文謂之補也

馮玉几讀曰凭南面而聽斷號令天下四

海之內莫不嚮應師古曰嚮讀曰響陛下垂德惠以覆露之

也師古曰露謂使之霑潤澤也或露或覆言養育也使元元之民安生樂業則

澤被萬世傳之子孫施之無窮天下之安猶泰山而

四維之也師古曰維謂繫繫之夷狄之地何足以為一日之間

如淳曰得其地物不足而煩汗馬之勞乎詩云王猶

允塞徐方既來師古曰大雅常武之詩也猶道也允

於天下則徐方言王道甚大而遠方懷之也臣聞之

淮夷盡來服也師古曰言農夫勤力於耕農者

農夫勞而君子養焉師古曰言農夫勤力於耕農者

言而智者擇焉臣安幸得為陛下守藩以身為郭蔽

人臣之任也邊境有憂憂身之死而不畢其愚非忠

臣也師古曰畢盡也臣安竊恐將吏之以十萬之師

為一使之任也師古曰言漢發丁使鎮撫是時漢兵

之則越人宿服不煩兵往

陳仁子曰武帝年方二十四開邊之心不可遇衰論淮南數語適際閩越降服之後故遣使使借不然亦如遣議臣難期方士不過一而嚴助迎逢帝意以詰田蚡者詰淮南矣此可推武帝之本心

陰按嘉王之意與前嘉淮南之意相應

茅坤曰論指以矜功而文過矣陰按此論可與長卿已蜀檄難蜀父老文參看

陰按狼戾不仁以下是聲罪致討之山下文或于逆順不奉明詔是折其百越無奈邊城之論焉有勞百姓苦士卒是折其蝮蛇猛獸歐世等論總見此舉非為過計也

遂出險領適會閩越王弟餘善殺王以降漢兵罷上

嘉淮南之意美將卒之功迺命嚴助諭意風指於南

越師古曰風讀日諷以南越王頓首曰天子迺幸與

兵誅閩越死無以報即遣太子隨助入侍助還又諭

淮南曰皇帝問淮南王使中大夫王上書言事聞之

朕奉先帝之休德夙興夜寐明不能燭重以不德師古曰重音反是以比年凶菑害衆夫以眇眇之身託于王

矣之上內有饑寒之民南夷相攘使邊騷然不安朕

甚懼焉今王深惟重慮明太平以弼朕失稱三代至

盛際天接地人迹所及咸盡質服藐然其慙如淳曰言藐然聞之甚慙也師古曰藐音武卓反嘉王之意靡有所終

使中大夫助諭朕意告王越事助諭意曰今者大王

以發屯臨越事上書陛下故遣臣助告王其事王居

遠事薄遠不與王同其計如淳曰薄迫也言事迫不

薄師古曰薄迫也是也遠速也音其据反朝有關政遺王之憂師古曰

憂也遺猶與也陛下甚恨之夫兵固凶器明主之所

重出也然自五帝三王禁暴止亂非兵未之聞也漢

為天下宗操殺生之柄以制海內之命危者望安亂

者中治師古曰中讀日今閩越王狼戾不仁師古曰

者凡言狼戾殺其骨肉離其親戚所謂甚多不義又

數舉兵侵陵百越并兼鄰國以為暴彊陰計奇策入

燔尋陽樓船師古曰漢有樓船也欲招會稽之地以踐旬

踐之迹師古曰先越王句踐稱霸中今者邊又言

聞王率兩國擊南越陛下為萬民安危久遠之計使

入諭告之曰天下安寧各繼世撫民禁毋敢相并有

司疑其以虎狼之心貪據百越之利或於逆順不奉

隆按此一舉數句總繳前意歸功于帝

隆按助由是與淮南相結句伏後事與助相連案

賈震曰守會稽數年不聞問其才可知徒以押闔取寵亦以押闔誅
真德秀曰武帝之所以警飭臣工駕御將帥者略見於賜嚴助等書史稱其雄材大略信矣夫

明詔則會稽豫章必有長患且天子誅而不伐焉有

勞百姓苦士卒乎故遣兩將屯於境上震威武揚聲

鄉師古曰鄉屯會未會師古曰言天誘其衷聞王隕

命輒遣使者罷屯母後農時南越王甚嘉被惠澤蒙

休德願革心易行身從使者入謝師古曰日有狗馬之

病不能勝服謂朝服也故遣太子嬰齊入侍病有瘳

願伏北闕望大廷以報盛德聞王以八月舉兵於冶

南蘇林曰山名也今士卒罷倦三王之衆相與攻之

因其弱弟餘善以成其謀至今國空虛遣使者上符

節請所立不敢自立以待天子之明詔此一舉不挫

一兵之鋒不用一卒之死而闔王伏辜南越被澤威

震暴王義存危國此則陛下深計遠慮之所出也事

效見前師古曰見顯使臣助來諭王意於是王謝

曰雖湯伐桀文王伐崇誠不過此臣安妄以愚意狂

言陛下不忍加誅使使者臨詔臣安以所不聞師古

未聞者今誠不勝厚幸助由是與淮南王相結而還

上大說助侍燕從容上問助居鄉里時助對曰家貧

為友壻富人所辱師古曰友壻上問所欲對願為會

稽太守於是拜為會稽太守數年不聞問師古曰賜

書曰制詔會稽太守君厭承明之廬張晏曰承明廬

宿所止勞侍從之事懷故土出為郡吏會稽東接於

海南近諸越師古曰越北枕大江師古曰間者聞

焉久不聞問具以春秋對母以蘇秦從橫師古曰從

助恐上書謝稱春秋天王出居于鄭不能事母故絕

之師古曰周惠王之子襄王也弟叔帶有寵於惠后

欲立之故襄王避難而出奔也傳曰王者臣事君猶子事父母

無外此其言出何不能一乎母也臣事君猶子事父母

茅坤曰助無亡體法而湯之誅助過矣
隆按此傳墓馬買臣一賤一貴時光景迥別而買臣一為報復如此卒之列為九卿無所表見而惟忿忿于張湯之非禮致湯自殺而已亦受誅其人品可概見云
盧舜治曰昔人云張儀之相秦其妻激之也予於朱買臣亦云

隆按上計吏卒句伏後計吏大呼案

茅坤曰富貴云云本項羽語以下指次相呼應如畫

也臣助當伏誅陛下不忍加誅願奉三年計最如淳曰舊法遣使奉歲計今助自欲詔許因留侍中有奇異入奉也音灼曰最凡要也輒使為文及作賦頌數十篇後淮南王來朝厚賂遣助交私論議及淮南王反事與助相連上薄其罪欲勿誅廷尉張湯爭以為助出入禁門腹心之臣而外與諸侯交私如此不誅後不可治助竟棄市

朱買臣字翁子吳人也家貧好讀書不治產業常艾薪樵賣以給食擔束薪行且誦書其妻亦負戴相隨數止買臣毋歌嘔道中師市曰嘔讀日買臣愈益疾歌妻羞之求去買臣笑曰我年五十當富貴今已四十餘矣女苦日久待我富貴報女功師市曰汝妻志怒曰如公等終餓死溝中耳何能富貴買臣不能弱即聽去其後買臣獨行歌道中負薪墓間故妻與女

家俱上冢見買臣饑寒呼飯飲之後數歲買臣隨上計吏為卒將重車至長安師市曰買臣身自充卒而與計吏將重車也載衣食具曰重車重音直用反詣闕上書書久不報待詔公車糧用乏

上計吏卒更乞句之師市曰更音工衡反會邑子嚴乞音氣句音工大反助貴幸薦買臣名見說春秋高楚詞帝甚說之拜買臣為中大夫與嚴助俱侍中是時方築朔方公孫弘

諫以為罷做中國上使買臣難誦弘語在弘傳後買臣坐事免久之召待詔是時東越數反覆買臣因言

故東越王居保泉山師市曰泉山即今泉州之山也臨海去海十餘里保者保守之以自固也說者乃云一人守險千人不得上今聞東越主更徙處南行去泉山五百里居太澤中今發兵

浮海直指泉山陳舟列兵席卷南行可破滅也上拜買臣會稽太守上謂買臣曰富貴不歸故鄉如衣繡

漢書卷六十五朱買臣

會稽錄即會稽百
邱中也邱琴京
師之會館

隆按叙買臣懷
印綬一節委悉
有景
茅坤曰以下指
次頗類史記范
睢蘇秦兩傳

茅坤曰極意摹
寫

夜行今子何如買臣頓首辭謝詔買臣到郡治樓船
備糧食水戰具須詔書到軍與俱進初買臣免待詔
常從會稽守邸者寄居飯食拜為太守買臣衣故衣
懷其印綬步歸郡邸直上計時會稽吏方相與羣飲
師曰直不視買臣買臣入家中守邸與共食食且
讀曰直飽少見其綬師古曰見守邸怪之前引其綬視其印
會稽太守章也守邸驚出語上計掾吏皆醉大呼曰
矣誕耳守邸曰試來視之其故人素輕買臣者入視
之還走疾呼曰實然坐中驚駭自守丞服虔曰守邸
漢舊郡國丞長使與計吏俱送計也師古曰張說曰
是也謂之守丞者繫太守而言也守晉式授反相
推排陳列中庭拜謁買臣徐出戶有頃長安廐吏乘
駟馬車來迎張晏曰故事大夫乘官車買臣遂乘傳
去師古曰傳會稽聞太守且至發民除道縣吏並送

邵賢曰使買臣
之妻去而未嫁
義可絕也亦可
復也貴而來歸
待之如初可也
今既嫁有夫矣
遇諸途而乞憐
焉賜而遣之足
矣並載其夫歸
置園中何為哉
無乃買臣忿其
夙昔而有驕之
之意乎不然何
為其自經死也
死而葬之夫豈
不能而乞其夫
錢以葬出婦死
後夫葬之禮也
前夫葬之非禮
也
茅坤曰湯號下
士何以故獨凌
折買臣

迎車百餘乘入吳界見其故妻妻夫治道買臣駐車
呼令後車載其夫妻到太守舍置園中給食之居一
月妻自經死買臣之其夫錢今葬悉召見故人與飲
食諸嘗有恩者皆報復焉居歲餘買臣受詔將兵與
橫海將軍韓說等俱擊破東越有功徵入為主爵都
尉列於九卿數年坐法免官復為丞相長史張湯為
御史大夫始買臣與嚴助俱侍中貴用事湯尚為小
吏趨走買臣等前後湯以廷尉治淮南獄排陷嚴助
買臣怨湯及買臣為長史湯數行丞相事知買臣素
貴故陵折之買臣見湯坐牀上弗為禮師古曰言不
也買臣深怨常欲死之後遂告湯陰事湯自殺上亦
誅買臣買臣子山拊如淳曰拊音夫官至郡守右扶風
吾丘壽王字子贛趙人也年少以善格五名待詔蘇

隆按此傳載挾
弓矢與周鼎一
對總見高材通

明處然對弓矢
務在教化其說
甚正而謂周鼎
為漢鼎則近千
諛矣
茅坤曰區區格
五何以待詔為

茅坤曰愛壽王
材略以其守都
尉即不復置太

唐順之曰重書

絕佳
洪萬曰武帝除
用郡守尤所留
意觀其賜壽王
重書及賜莊助
書與及黜語則
知郡國之事無
細大未嘗不深
知之惜其為征
伐奢侈所移使
民間不見德澤
為可恨耳

呂祖謙曰漢之
督責郡守蓋如
此

茅坤曰即故秦
銷兵遺意公孫
弘何以咲駭若
此

林希元曰此對
道理既勝而評
又足以發之宜
公孫之訓服也

茅坤曰本色折
証

日博之類不用籠但行梟散孟康曰格音各行伍相
各故言各劉德曰格五禁行筆法曰塞自乘五至五
格不得行故云格五師古曰詔使從中大夫董仲舒
即今戲之策也音先代反

受春秋高材通明遷待中中郎坐法免上書謝罪願
養馬黃門上不許後願守塞捍寇難復不許久之上

疏願擊匈奴詔問狀壽王對良善復召為郎稍遷會
東郡盜賊起拜為東郡都尉上以壽王為都尉不復

置太守是時軍旅數發年歲不孰多盜賊詔賜壽王
重書曰子在朕前之時知略輻湊而至於軍輸之

於以為天下少雙海內寡一及至連十餘城之守任
四千石之重師古曰郡守都尉皆二千石以壽王為

也職事並廢盜賊從橫甚不稱在前時何也壽王謝
罪因言其狀後徵入為光祿大夫侍中丞相公孫弘

奏言民不得挾弓弩十賊曠弩百吏不敢前張晏曰

盜賊所以蕃也禁民不得挾弓弩則盜賊執短兵短
兵接則眾者勝以眾吏捕寡賊其執必得盜賊有害

無利則莫犯法刑錯之道也臣愚以為禁民毋得挾
弓弩便上下其議壽王對曰臣聞古者作五兵非以

相害以禁暴討邪也師古曰五兵謂安居則以制猛
獸而備非常有事則以設守衛而施行陣及至周室

衰微上無明王諸侯力政疆侵弱眾暴寡海內玩敵
巧詐並生師古曰玩訛盡是以知者陷愚勇者威怯

苟以得勝為務不顧義理故機變械飾所以相賊害
之具不可勝數於是秦兼天下廢王道立私議滅詩

書而首法令去仁恩而任刑戮墮名城殺豪桀師古

毀也音銷甲兵折鋒刃其後民以耰鉏筆挺相撻擊

唐順之曰無五
兵無救于亂

隆按聖王務教
化而省禁防此
根本之論

隆按壽王之意
歸罪於郡國一
十石

外則曰子生
設弧於門左
射人以桑弧
蓬矢六射天
地四方

茅坤曰結案有
指歸
隆按先王之典
即上古者作五
兵習行其禮即
上大射之禮

陳仁子曰壽王
室與之對與終
軍曰麟奇木之
對異壽王之對
言與非周家之
語其辭猶婉而
諷終重之對言
物為賓遠之徵
其得乃諷以奪
終軍不及壽王
遠矣

黃震曰買臣壽

師古曰稷摩田之器也筮馬楛也楛太
杖也稷音憂筮音之累反挺音木鼎反犯法滋衆盜
賊不勝至於赭衣塞路羣盜滿山卒以亂亡故聖王
務教化而省禁防知其不足恃也今陛下昭明德建

太平舉後林興學宮三公有司或由窮巷起白屋裂
地而封壽王言此者并以譏公孫弘也宇內日化方外
鄉風然而盜賊猶有者郡國二千石之罪非挾弓弩
之過也禮曰男子生乘弧蓬矢以舉之明示有也

師古曰有四孔子曰吾何執執射乎大射之禮自太
方捍禦之事子降及庶人三代之道也詩云太侯既抗弓矢斯張

射夫既同獻爾發功師古曰小雅賓之初筵之詩也
豹侯諸侯射熊侯卿大夫射麋侯士射鹿豕侯抗舉

也射夫衆射者也同耦也言既舉大侯又張弓矢
分耦而射則獻其言貴中也愚聞聖王合射以明教

矣未聞弓矢之為禁也且所為禁者為盜賊之以攻
奪也攻奪之罪死然而不止者太姒之於重誅固不

避也臣恐邪人挾之而吏不能止良民以自備而抵
法禁師古曰是擅賊威而奪民救也竊以為無益於

禁姦而廢先王之典使學者不得習行其禮大不便
書奏上以難丞相弘弘誅服焉及汾陰得寶鼎武帝

嘉之薦見宗廟滅於甘泉宮羣臣皆上壽賀曰陛下
得周鼎壽王獨曰非周鼎上聞之召而問之曰今朕

得周鼎羣臣皆以為然壽王獨以為非何也有說則
可無說則死壽王對曰臣安敢無說臣聞周德始乎

后稷長於公劉大於太王成於文武顯於周公德澤
上昭天下漏泉師古曰昭明也漏言只

報應鼎為周出故名曰周鼎今漢自高祖繼周亦昭
德顯行布恩施惠六合和同至於陛下恢廓祖業功

德顯行布恩施惠六合和同至於陛下恢廓祖業功

債与擯同片也弃也

王皆武帝私令折難大臣者毒王難禁弓矢視難禁相方者優焉然漢則非周鼎之說則能優取寵爾

黃震曰主父偃反覆傾危之士盧舜治曰學長短縱橫術此主父偃平生梗槩與蘇秦出處相將

茅坤曰漢武好招海內馬異之士而衛將軍獨不能薦由帝輕衛將軍無他大略故也已而朝奏暮召入侍也八事不傳諫伐匈奴一節可謂盡言已洪邁曰謂八事

為律令而言則為律當作去聲讀隆按司馬法以下言人君不可好戰

愚按自國雖大至不忘戰也四十字見司馬法任本篇也

唐順之曰通篇只是引用二舊事與昔人諫詩之說而後自說處不過數言亦是一文之一體隆按秦皇帝以下引秦之好戰以為戒

德愈盛天瑞並至珍祥畢見昔秦始皇親出鼎於彭城而不能得天祚有德而寶鼎自出此天之所以與漢迺漢寶非周寶也上曰善羣臣皆稱萬歲是日賜壽王黃金十斤後坐事誅

主父偃齊國臨菑人也學長短縱橫術服虔曰蘇秦也師古曰長短解在張晚迺學易春秋百家之言游湯傳從橫說在藝文志齊諸子間師古曰諸子諸侯王子諸儒生相與排償不容於齊家貧假貸無所得師古曰貸音土得反北游燕趙中山皆莫能

厚客甚困以諸侯莫足游者元光元年迺西入關見衛將軍師古曰衛青衛將軍數言上上不肯資用之臣必諸侯賓客多厭迺上書闕下朝奏暮召入見所言九事其八事為律令一事諫伐匈奴曰臣聞明主不惡切諫以博觀忠臣不避重誅以直諫是故事無遺

策而功流萬世臣不敢隱忠避死以效愚計願陛下幸赦而少察之司馬法曰國雖大好戰必亡天下

雖平忘戰必危師古曰司馬法直善用兵者書言兵法謂之司馬法天下既平天子大懼應劭曰大懼謂懼也春

蒐秋獮諸侯春振旅秋治兵所以不忘戰也師古曰蒐秋獮也秋為陰中其行金也金木兵器所資故於此時蒐獮治兵也蒐蒐索也取不孕者獮應殺氣也振整旅衆也且怒者逆德也兵者凶器也爭者末

節也古之人君一怒必伏尸流血故聖王重行之師古曰難也夫務戰勝窮武事未有不悔者也昔秦皇帝任

戰勝之威蠶食天下并吞戰國海內為一功齊三代務勝不休欲攻匈奴李斯諫曰不可夫匈奴無城郭

之居委積之守遷徙鳥舉難得而制輕兵深入糧食必絕運糧以行重不及事得其地不足以為利得其

必絕運糧以行重不及事得其地不足以為利得其

丁強也壯也後世稱丁
男者新舊書食貨志
曰凡民始生為黃四歲
為小十六為中二十一
為丁六十為老是唐制

律歷志十六兩為斤三
十斤為鈞四鈞為石
愚按以石為斛

隆接高皇帝以下
舉高帝和親
以為勸

御史成中記
註

孫平作戰篇

觀上脫不字

唐順之曰收拾
只此數句

隆按故兵法至
未承上文兩節
而總結之

民不可調而守也李奇曰不勝必棄之非民父母靡

敝中國甘心匈奴非完計也秦皇帝不聽遂使蒙恬

將兵而攻胡卻地千里以河為境地固澤鹵不生五

穀師古曰地多鹹鹵然後發天下丁男以守北河暴兵露

師十有餘年死者不可勝數終不能踰河而北是豈

人眾之不足兵革之不備哉其執不可也又使天下

飛芻輓粟師古曰運載芻粟令其疾至故起於黃腫

琅邪負海之郡轉輸北河師古曰黃腫二縣名也並

緣海諸郡皆令轉輸至北河師古曰黃腫二縣名也並

餉女子紡績不足於帷幕百姓靡敝孤寡老弱不能

相養道死者相望師古曰道死於路也蓋天下始叛也及至

高皇帝定天下略地於邊聞匈奴聚代谷之外而欲

擊之御史成諫曰不可夫匈奴獸聚而鳥散從之如

搏景師古曰搏擊也搏人今以陛下盛德攻匈奴臣

竊危之高帝不聽遂至代谷果有平城之圍高帝悔

之迺使劉敬往結和親然後天下亡干戈之事故兵

法曰興師十萬日費千金秦常積眾數十萬人雖有

覆軍殺將係虜單于師古曰覆音芳目反適足以結怨深讎不

足以償天下之費夫匈奴行盜侵歐所以為業天性

固然師古曰來晨邊境而歐略人畜也上自虞夏殷

周固不程督師古曰程課也督視責也禽獸畜之不比為人夫不

上觀虞夏殷周之統而下循近世之失此臣之所以

大恐百姓所疾苦也且夫兵久則變生事苦則慮易

變易師古曰言思慮也使邊境之民靡敝愁苦將吏相疑而

外市師古曰言思慮也故尉佗章邯得成其私師古

隆按偃諫伐匈奴與帝異指而帝乃曰相見之晚得非文中子所謂悔心之萌之時歟

又按偃之所議即誼之議也誼弗見用而偃竊之而得行焉何歟誼言之事先而偃則乘其事已驗之後而言焉時不同也

徐廣曰元朔二年始令諸侯五分封子弟也

茅坤曰本劉敬龍錯故旨

茅坤曰結髮以下一應前

茅坤曰俠氣亦他日族誅讖

茅坤曰偃何必發此骨肉之讖

徒何反而秦政不行權分三子此得失之效也故周書曰安危在出令存亡在所用師古曰此周書師古曰此周書願陛下孰計之而加察焉是時徐樂嚴安亦俱上書言世務書奏上召見二人謂曰公皆安在何相見之晚也

迺拜偃樂安皆為郎中偃數上疏言事遷謁者中郎中大夫歲中四遷偃說上曰古者諸侯地不過百里疆弱之形易制今諸侯或連城數十地方千里緩則

驕奢易為淫亂急則阻其疆而合從以逆京師今以法割削則逆節萌起前曰鼂錯是也今諸侯子弟或十數而適嗣代立餘雖骨肉無天地之封則仁孝之道不宣願陛下下令諸侯得推恩分子弟以地侯之彼

人人喜得所願上以德施實分其國必稍自銷弱矣於是上從其計又說上曰茂陵初立天下豪傑兼并之家亂眾民皆可徙茂陵內實京師外銷姦猾此所謂不誅而害除上又從之尊立衛皇后及發燕王定

國陰事偃有功焉大臣皆畏其口賂遺累千金或說偃曰大橫師古曰橫音胡孟反偃曰臣結髮游學四十餘年身不得遂師古曰遂音遂也親不以為子昆弟不收賓客棄我

我死日矣矣丈夫生不五鼎食死則五鼎烹耳張晏曰五鼎食牛羊豕魚麋也諸侯五卿大夫三吾曰暮故倒行逆施之師古曰此語本出五偃盛言朔方地肥饒外阻河蒙恬築城以逐匈奴內省轉輸成漕廣中國滅胡之本也上覽其說下公卿議皆言不便公孫弘

曰秦時嘗發二十萬眾築北河終不可就已而棄之朱實臣難誦弘遂置朔方本偃計也元朔中偃言齊王內有淫失之行師古曰失讀日上拜偃為齊相至

失

又曰又一復
數應前

隆按始為布衣
一段叙優所以
族之故

洪邁曰鼂錯主
父腹兩人本不
死因議者之言
殺之足矣何處

至族乎漢之輕
于用刑如此

土崩瓦解見
鄒陽傳

此解在過秦
論項藉傳贊

黃張曰土崩瓦
解一書大要可
觀借其駁處多
真德秀曰徐樂
之書謂基本積
壞為上崩禍難
驟興為瓦解其
說似矣然聖賢
慮治必察于微
不以基本之固
為可恃也不以
禍難之驟為可
忽也樂之告武
帝也欲明安危
之機銷未形之
患則凡幾微之
際皆所當謹也
顧乃以瓦解之
勢為不必慮而
欲其自恣於游
畋聲色之間豈
忠臣之言哉

齊徧名昆弟賓客數五百金師古曰數貴也數音所息

反始吾貧時昆弟不我衣食賓客不我內門師古曰內門謂門中

今吾相齊諸君迎我或千里吾與諸君絕矣

毋復入復之門迺使人以王與姝姝事動王王以為

終不得脫恐效燕主論死迺自殺優始為布衣時嘗

游燕趙及其貴發燕事趙王恐其為國患欲上書言

其陰事為居中不敢發及其為齊相出關即使人上

書告優受諸侯金以故諸侯子多以得封者及齊王

以自殺聞上大怒以為優劫其王令自殺迺徵下吏

治優服受諸侯之金實不劫齊王令自殺上欲勿誅

公孫弘爭曰齊王自殺無後國除為郡入漢優本首

惡非誅優無以謝天下迺遂族優優方貴幸時客以

千數及族死無一人視獨孔車收葬焉上聞之以車

為長者

徐樂荆郡無終人也上書曰臣聞天下之患在於土

崩不在瓦解古今一也何謂土崩秦之末世是也陳

涉無千乘之尊尺土之地身非王公大人名族之後

鄉曲之譽非有孔曾墨子之賢陶朱倚頓之富也然

起窮巷奮棘矜師古曰棘戟也矜者戟之把也時秦起窮巷奮棘矜鎗兵器故但有戟之把耳矜巨也反

偏袒大呼天下從風此其故何也由民困而主不恤

下怨而上不知俗已亂而政不修此三者陳涉之所

以為資也此之謂土崩故曰天下之患在乎土崩何

謂瓦解其楚齊趙之兵是也七國謀為木逆號皆稱

萬乘之君帶甲數十萬威足以嚴其境內財足以勸

其士民然不能西攘尺土之地師古曰攘謂而身為

貪於中原者此其故何也非權輕於匹夫而兵弱於

餘

茅坤曰又復一
番總妙

江以達曰徐樂
謂禍難卒作不
足畏而基本積
壞深可慮者欲
武帝觀化原而
銷未形也

茅坤曰其言隱
而危
隆按賢主獨觀
數句此勸勉武
帝王意其詞微
而婉

茅坤曰以下又
不免道諛之言
類賈山
陳仁子曰徐樂
於聲色之奉游
獵之娛能優侏
儒之歡不直止
之而勸以王道
幾若陳善而不
閉其邪者

陳仁子曰樂言
雖是而同時若
偃者一歲四遷
安雖不用而為
騎馬令至樂竟
不見用毋乃以
樂言為迂而不
相入耶
隆按徐樂嚴安
兩傳皆不載其
所終其無所表
見可知若其上
書始末則倫于
前傳云

陳涉也當是之時先帝之德未衰而安土樂俗之民
衆故諸侯無意外之助此之謂瓦解故曰天下之患

不在瓦解由此觀之天下誠有土崩之勢雖布衣窮
處之士或首難而危海內師古曰首難謂難也陳涉是也

況三晉之君或存乎本師古曰韓魏趙三國天下雖未
治也誠能無土崩之勢雖有疆國勁兵不得還踵而

身為禽師古曰還吳楚是也況羣臣百姓能為亂乎
此一體者安危之明要賢主之所留意而深察也聞

者關東五穀數不登年歲未復師古曰復民多窮困
重之以邊境之事推數循理而觀之民宜有不安其

處者矣不安故易動易動者土崩之勢也故賢主獨
觀萬化之原明於安危之機修之廟堂之上而銷未

形之患也其要期使天下無土崩之勢而已矣故雖
有疆國勁兵陛下逐走獸射飛鳥弘游燕之園淫從

恣之觀極馳騁之樂師古曰自若者言如其常自若
無所廢損也從讀日縱

金石絲竹之聲不絕於耳帷幄之私俳優朱儒之笑
不乏於前而天下無宿憂師古曰宿憂名何必夏于俗何

必成康服虔曰夏禹也雖然臣竊以為陛下天然之
質寬仁之資而誠以天下為務則禹湯之名不難存

而成康之俗未必不復興也此二體者立於後處尊
安之實揚廣譽於當世親天下而服四夷餘恩遺德

為數世隆南面背依攝袂而揖王公師古曰依讀日
此陛下之所服也師古曰服事也臣聞圖王不成其敝足以

安師古曰言其敝未安則陛下何求而不得何威而
不成奚征而不服哉

漢書評林卷之六十四上終

漢書評林卷之六十四下
嚴朱吾丘主父徐嚴終王賈傳第三十四下
吳興後學凌稚隆輯校

漢書評林卷之六十四下

嚴朱吾丘主父徐嚴終王賈傳第三十四下

師古曰此卷首尚載嚴朱吾丘主父徐者存其本書題目以示不變易也

嚴安者臨苗人也以故丞相史上書曰臣聞鄒子曰

師古曰鄒子之書也政教文質者所以云救也師古曰當時則

用過則舍之時則廢置也師古曰非其有易則易之易者則易也

故守一而不變者未睹治之至也今天下人民用財

侈靡車馬衣裘宮室皆競修飾調五聲使有節族林

節止也奏進也日雜五色使有文章重五味方丈於

前以觀欲天下日顯示之使其慕欲也彼民之情見

美則願之是教民以後也侈而無節則不可贍師古

也民離本而徵末矣師古曰徵要求末不可徒得師古

日徒故摺紳者不憚為詐帶劔者夸殺人以矯奪師古

樂記曰廉
肉節族又
廣其節族

摺紳

黃愛曰嚴安一
書言武帝靡敝
中國結怨夷狄
而其後則謂郡
守之權非特六
卿宜慮根本既
耗或有乘時而
起者耶
茅坤曰書之旨
雖多出於賈誼
董所已言者而
以之諷武帝時
謂其精重甚切
故帝不之喜終
騎馬令

隆按嚴安一書
以變字作眼目
一節欲變奢為
儉二節欲變秦
之窮兵以息禍
亂三節欲變郡
守之重作二段
看

漢書卷之六十四下

批四

日夸大也競而世不知魏故姦軌浸長夫佳麗珍怪也矯偽也

固順於耳目故養失而泰樂失而淫禮失而采日師古

其文過教失而偽偽采淫泰非所以養民之道也是

以天下人民逐利無已犯法者眾臣願為民制度以

防其淫使貧富不相耀以和其心心既和平其性恬

安恬安不營則盜賊銷盜賊銷則刑罰少刑罰少則

陰陽和四時正風雨時草木暢茂五穀蕃孰六畜遂

字師古曰蕃多也遂成也民不夭厲和之至也日厲

也病臣聞周有天下其治三百餘歲成康其隆也刑錯

四十餘年而不用及其衰亦三百餘年故五伯更起

伯者常佐天子興利除害誅暴禁邪匡正海內以尊

天子五伯既沒賢聖莫續天子孤弱號令不行諸侯

恣行疆陵弱眾暴寡田常篡齊六卿分晉並為戰國

此民之始苦也於是疆國務攻弱國修守合從連衡

馳車擊師古曰車擊相擊言其眾多也介胄生蟻蟲民無所告愬

及至秦王蠶食天下并吞戰國稱號皇帝一海內之

政壞諸侯之城銷其兵鑄以為鍾虜師古曰虜鍾

傳示不復用元元黎民得免於戰國逢明天子人人

自以為更生鄉使秦緩刑罰薄賦歛省繇役貴仁義

賤權利上篤厚下伎巧變風易俗化於海內則世世

必安矣秦不行是風循其故俗為知巧權利者進篤

厚忠正者退法嚴令苛調諛者眾師古曰調諛日聞其

美意廣心逸欲威海外使蒙恬將兵以北攻彊胡辟

地進境戍於北河飛芻輓粟以隨其後又使尉屠睢

將樓船之士攻越使監祿鑿渠運糧深入越地越人

遁逃曠日持又糧食之絕越人擊之秦兵大敗秦乃

獄食

真德秀曰安此言過矣

陳仁子曰嚴安上書與主父偃

不同主父偃皆隨其未而救之

嚴安則探其本而救之本正則

未自正矣凡安所言曰薄賦歛

則嚴帝之利心也曰殺刑罰則

嚴帝之慘心也曰省繇役則約

帝之侈心也至於用兵乃人臣

之利非天下之長策二語可以

關要功生事者之曰噫一將功

成萬骨枯其言蓋本諸安

索隱曰上猶尚也貴也下謂以佞巧為下也

史記尉下有佞字索隱云佞趙佞也

唐順之日過秦
除論

索隱曰
古稱陌國也

唐順之日此不
在顯史而在蕭
牆之意

使尉佗將卒以成越當是時秦禍北構於胡南挂於
越師古曰宿兵於無用之地進而不得退行十餘年
丁男被甲丁女轉輸苦不聊生自經於道樹死者相
望及秦皇帝崩天下大畔陳勝吳廣舉陳謂起兵也
武臣張耳舉趙項梁舉吳田儵舉齊景駒舉郢周市
舉魏韓廣舉燕窮山通谷豪士並起不可勝載也然
本皆非公侯之後非長官之吏師古曰長官謂無尺
寸之執起閭巷杖棘矜應時而動不謀而俱起不約
而同會壤長地進至平伯王張晏曰長進益也師古
曰言其稍稍攻伐進益
土境以至疆大時教使然也秦貴為天子富有天下
也長音竹兩反滅世絕祀窮兵之禍也故周失之弱秦失之彊不
之患也今徇南夷朝夜即降羌魏略歲州建城邑張晏曰
日歲貉也師古曰歲燒也
日歲與機同深入匈奴燔其龍城師古曰燔燒也
龍城匈奴祭天
處燔音議者美之此人臣之利非天下之長策也今
中國無狗吠之警而外累於遠方之備靡敝國家非
所以子民也行無窮之欲甘心快意結怨於匈奴非
所以安邊也禍挈而不解兵休而復起師古曰挈相
連引也音女
居近者愁苦遠者驚駭非所以持久也今天下鍛甲
摩劍矯箭控弦師古曰矯正曲
使直也控引也轉輸軍糧未見休時
此天下所共憂也夫兵久而變起事煩而慮生今外
郡之地或幾千里列城數十形束壤制孟康曰言其
以東制也帶脅諸侯師古曰帶者言諸侯之於郡守譬
其民制也二曰帶在若佩帶謂輕小也脅謂其威力足
脅使附著之義也非宗室之利也上觀齊晉所以
亡公室卑削六卿大盛也下覽秦之所以滅刑嚴文
刻欲大無窮也今郡守之權非特六卿之重也地幾
千里非特閭巷之資也甲兵器械非特棘矜之用也

東

以逢萬世之變則不可勝諱也諱者言必滅亡也後以矢為騎馬令師古曰言不可盡也

終軍字子雲濟南人也少好學以辯博能屬文聞於郡中年十八選為博士弟子至相受遺師古曰博士受遺者由郡遣請京師太守聞其有異才召見軍甚奇之與交

結軍指太守而去至長安上書言事武帝異其文拜軍為謁者給事中從上幸雍祠五時獲白麟一角而

五師古曰每五時有奇木時又得奇木其枝旁出輒復合於木上上異此二物博謀羣臣師古曰訪其微應也軍上對曰臣

聞諱頌君德樂舞后功異經而同指明盛德之所隆也南越窳屏葭常與烏魚羣師古曰葭蘆也成正朔

不及其俗有司臨境而東甌內附閩王伏辜南越賴秘北胡隨畜薦居蘇林曰薦草也師古曰蘇說非也

故居不安住也左禽獸行虎狼心上古未能攝大將傳戎狄荐居者也禽獸行虎狼心上古未能攝大將

軍秉鉞單于韓幕票騎抗旌昆邪右任師古曰抗舉也右在從中

國化也見是澤南洽而威北暢也若罰不阿近舉不遺遠設官族賢賢賢待功能者進以保祿罷者退而

勞力師古曰罷謂不堪職在刑於宇內矣師古曰刑法於宇內也履眾美而不足懷聖明而不專建三宮

之文質師古曰文質也厥職之所宜服虔曰二十宮明堂辟雍廡臺也鄭氏曰於二宮班政教有夫天命

初定萬事草創及臻不合同風九州共貫必待明聖潤色祖業傳於無窮故周至成王然後制定而休徵

之應見陛下盛日月之光垂聖恩於勅成專神明之敬奉燔瘞於郊宮師古曰燔然天也瘞祭地也祭天及后獻享之精交神積和之氣塞明師古曰塞答也

諸本同羣

隆按盛德所隆一句是緇領南德之隆處

茅坤曰軍之對多道諛而其文甚佳

隆按天命以下累成周以驗異

飲之徵言皆取元以知其事云

師古曰言不可盡也諱者言必滅亡也

師古曰言不可盡也諱者言必滅亡也

師古曰言不可盡也諱者言必滅亡也

師古曰言不可盡也諱者言必滅亡也

降按六鵠以下言此徵當有外庚向化之應

盧舜治曰終生白麟奇木之對竊相如封禪文影響宜爾

也神而異獸來獲宜矣昔武王中流未濟白魚入於王

舟俯取以燎羣公咸曰休哉今郊祀未見於神祇而

獲獸以饋謂充祭也此天之所以示饗而上通之

符合也官因昭時今日改定告元張曼曰改元年首

以白茅於江淮發嘉號于營丘以應緝熙服虔曰張

曼曰江淮職貢三春其為藉也孟康曰嘉號封禪也

泰山在齊分野故曰營丘也或曰登封泰山以明姓

號也師古曰首音祖又音子豫反非首直之直也

使著事者有紀焉謂史官

也也經也蓋六鵠退飛也

魚登舟順也來曼曰周本德也舟木也訓水德魚水

也臣瓚曰時論者未以周為未殷為水也謂武王伐

也夫明開之徵上亂飛鳥下動淵魚師古曰各以類

推今野獸并角明同本也師古曰并合也獸皆兩

支內附示無外也若此之應殆將有解編髮削左衽

襲冠帶要衣裳而蒙化者焉師古曰要衣裳謂要帶

遙反丁斯拱而族之耳對奏上其異之由是改元為

元符後數月越地及匈奴名王有率眾來降者時皆

以軍三為中元鼎中博士徐偃使行風俗偃矯制使

膠東魯國鼓鑄鹽鐵師古曰鑄銅鐵還奏事徒為太

常丞御史大夫張湯劾偃矯制大害法至死偃以為

春秋之義大夫出疆有拜以安社稷存萬民顯之可

也湯以致其法不能諫其義有詔下軍問大軍諱偃

曰古者諸侯國異俗分百里不通時有聘會之事安

危之執呼吸成變故有金受辭造命顯已之宜今天

下為一萬里同風故春秋王者無外偃郊封城之中

稱以出疆何也且鹽鐵都有餘藏師古曰先正二國

廢國家不足以為利害而以安社稷存萬民為辭何

共坤曰此語亦所以附湯而阿王上者

也又詰優膠東南近琅邪北接北海魯國西枕泰山

東有東海受其鹽鐵優度四郡口數田地計也音木

各率其用器食鹽不足以并給一郡邪將執宜有餘

而吏不能也何以言之優矯制而鼓鑄者欲及春耕

種贍民器也師古曰今魯國之鼓當先具其備師古曰

者猶令至秋方能舉火此言與實反者非重問之優

已前二奏無詔師古曰不不惟所為不許師古曰而

直矯作威福以從民望王名采譽此明聖所必加誅

也在尺直尋孟子稱其不可今所犯罪重所就者小

優自子必死而為之邪師古曰將幸誅不加欲以采

名也優窮詛服罪當死軍奏優矯制顯行非奉使體

請上御史徵優即罪奏可上善其詰有詔示御史大

夫初軍從濟南當詣博士步入關關吏予軍繻張安

隆按湯不能誦
慨而軍能誦之
此正見其辨博
處

隆奉世曰還字
宜屬上句

凌約言曰葉繻
請緩皆慷慨壯
節少年英氣所
發也

音須繻符也書帛裂而分之蘇林曰繻帛

邊也舊關出入皆以傳傳還因裂繻頭合以為符信

也師古曰軍問以此何為吏曰為復傳師古曰復返

蘇說是也更以為傳復音扶還當以合符軍曰大丈夫西遊終

不復傳還葉繻而去軍為謁者使行郡國建節東出

關關吏議之曰此使者越前葉繻生也軍行郡國所

見便宜以聞還奏事上甚說當發使使匈奴師古曰

遣人為使軍自請曰軍無橫草之功師古曰言行草

於匈奴也云橫得列宿衛食祿五年邊境時有風塵之警臣宜

被堅執銳當矢石啓前行師古曰行下不習金革

之事今聞將遣匈奴使者臣願盡精厲氣奉佐明使

畫吉凶於單于之前臣年少材下孤於外官師古曰

外官謂非待不足以充一方之任師古曰充不勝

積愆詔問畫吉凶之狀上奇軍對擢為諫大夫南越

茅坤曰南越之
不終內屬由漢
誤聽軍倉卒之
間輒賜大臣印
綬漢法以繩

之此以嘉之所
以萌逆節也孔
明定南中仍用
孟獲以為夷酋
長故能終始
隆按歷觀篇中
帝善其又善其
詰奇其對與甚
奇甚悅大悅諸
句可謂千古一
遇矣而惜予其
短千年而不究
其所用也
又按終童應篇
首少字

金馬門解
在公孫永傳

隆按慶領聖王
得賢臣立論甚
正獨帝所幸言
館遂輒為歌頌
太子體不安衰
以誦讀慶得人
似以文為優戲
者噫亦惜矣

卷八十六有
何武傳武
年十四五

林希元曰聖王
得賢臣世道所
由以泰也聖賢
論治莫先于此
此頌曲盡其理
格言美句不一
而足宜經生傳
誦以為膾炙
隆按此頌西京
之變體也蓋浸
淫于大朝矣

劉良曰荷
負也旃檀
也被服也
言美秋負
檀服毛者

與漢和親迺遣軍使南越說其王欲令入朝比內諸
侯軍自請願受長纜必羈南越主而致之闕下師古
如馬軍途往說越王越王聽許請舉國內屬天子大
說賜南越大臣印綬壹用漢法以新改其俗令使者
留填撫之師古曰填音竹刃反越相呂嘉不欲內屬發兵攻殺
其王及漢使者皆死語在南越傳軍死時年二十餘
故世謂之終童

王褒字子淵蜀人也宣帝時修武帝故事講論六藝
羣書博盡奇異之好徵能為楚辭九江被公師古曰
音皮乃見誦讀益召高材劉向張子儵華龍柳棄等
待詔金馬門師古曰華音戶化反神爵五鳳之間天下殷富數
有嘉應上頗作歌詩欲興協律之事丞相魏相奏言
知音善鼓雅琴者渤海趙定梁國龔德皆召見待詔

於是益州刺史王褒欲宣風化於眾庶聞王褒有後
材請與相見使褒作中和樂職宣布詩師古曰中和
也宣布者風化普洽無所不被選好事者令依鹿鳴
之聲習而歌之時沔鄉侯何武為童子選在歌中師
音凡久之武等學長安歌大學下轉而上聞宣帝召
見武等觀之皆賜品謂曰此盛德之事吾何足以當
之褒既為刺史作頌詩師古曰頌詩即上中和樂職宣布
又作其傳師古曰傳義及作者之意益州刺史因奏褒有軼材

上迺徵褒既至詔褒為聖王得賢臣頌其意褒對曰
夫術極被毒者難與道純絲之麗密師古曰純絲也
麗絲織之密也一案察含糗者不足與論太宇之滋
味師古曰滋音九反今臣辟在西
蜀師古曰辟音九反生於窮巷之中長於蓬茨之下師古曰

戰國策曰蔡澤說應侯曰竭智謀示情素李周翰曰記則為此頌之記也上為謙辭此立文首也

張銑曰趨舍進退也吳越春秋曰干將者吳人造劍二枚一曰干將二曰莫耶

說文鈔劔刃也孟井曰離婁之明趙註古之明目者黃帝時人祀記鄭註公輸若匠師也

史記蒙恬築長城延袤萬餘里。延袤長廣也

皇尚云越過也蹶疾也

陰接以工用相得八馬相得作二段于將齧鄰為賢臣之喻百

無有遊觀廣覽之知顧有至惠極隨之

愚而投情素師古曰投猶泄也音食汝反記曰其惟春秋法五始

之要服虔曰共敬也張晏曰要春杜預元年春王正月此五始也師古曰元者氣之始春者四時之始王受命之始正月者政教之始公在平審已正即位者一國之始是為五始共讀曰恭

統而已夫賢者國家之器用也師古曰器也勞筋苦骨終日矻矻如津日健及至巧冶鑄干

將之樸清水焯其鋒師古曰焯謂燒而內水中以堅也鋒刃芒端也焯音千內反

越破斂其勢師古曰斂右出南音故曰越也水斷蛟龍陸剽犀革充反又音徒官反若雲泥畫塗

不溷者工用相得也庸人之御驚馬亦傷吻敝策而不進於行師古曰吻口角也匈喘膚汗人極馬倦及

至駕齧鄰駮乘日孟康曰良馬低頭口至鄰故曰齧鄰張晏曰駮則日至故曰乘日師古曰乘音王良執韉張晏曰王良無恤字伯樂晉食諡反

驗左氏傳及國語孟孫無恤郵無恤也師古曰參一入也楚辭云騏驎蹄於敝輿遇孫陽而得伐王逸云孫陽伯樂姓名也列子云伯樂秦穆公時人韓哀

附輿應劭曰世本韓哀作御師古曰宋東云韓哀韓則善御者耳縱馳騁驚忽如景靡師古曰亂馳曰驚非始作也

追奔電逐遺風師古曰遺風風之遺也周流八極萬里壹息何其遼

哉人馬相得也師古曰遼遠也故服絺綌之涼者不苦盛

暑之鬱燠師古曰鬱熱氣也襲貂狐之煖者不憂至

陰接以工用相得八馬相得作二段于將齧鄰為賢臣之喻百

正月下脫位三公

文不溷萬里一
必為治平之喻

韓詩外傳曰成王封伯禽
于魯周公謂之曰無以魯
國驕士吾三沐三握髮一
飯三吐哺猶恐失天下之
士也

韓詩外傳曰隆按自故眼締
給至此引言聖
主下賢之誠
燎為之欲
造見者

尉繚子曰太公屠牛朝歌

李周翰之圖猶用也

周書不言傳雲從龍風
從虎毛詩傳蟬游渠
略也降璣所渠略甲下
有翅能飛夏月陰時出
地中

寒之懷恰音乃短反何則有其具者易其備賢人君
子亦聖王之所以易海內也是以嘔喻受之嘔喻和

悅貌師古曰反開寬裕之路以延天下英俊也夫竭知
嘔音於付反

附賢者必建仁策索人求士者必樹伯迹昔周公躬
吐捉之勞故有圖空之隆師古曰以賓賢士故能成

太平之化刑措不齊師古曰庭燎之禮故有匡合之功
用固固空虛也

應劭曰有以九九求見拒公桓公不納其人曰九九
小術而君不納之泥大於九九者乎於是拒公設

燎之禮而見之居無幾隰朋自遠而至齊桓遂以
師古曰九九計數之書若今算經也臣謂九九

也合謂九師古曰由此觀之君人者勤於求賢而逸於得人
合諸族

小臣亦然昔賢者之未遭遇也圖事揆策則君不用
其謀陳見烟誠則上不然其信進仕不得施效師古曰

又非其愆是故伊尹勤於鼎俎太公困於鼓力師古曰
於鼎俎謂為鼎俎以王湯

也鼓亦謂為鼎俎也百里自衛甯子飯牛師古曰
也鼓亦謂為鼎俎也百里自衛甯子飯牛

鬻以五羊之皮公孫枝得而悅之師古曰諸君公飯牛解
在鄒陽傳甯與此惠也師古曰及其遇明君遭聖主

也連壽合上意諫諍即見聽進退得關其忠任職得
行其術去卑辱與溲而升本朝張晏曰與幽也溲御

不章顯也師古曰離疏釋踏而享膏梁應劭曰離此疏
日溲音先列反

臣贊曰以繩為躄也師古曰躄即躄也
今之鞋取躄說也躄音君略反

考傳之子孫以資說士師古曰談說之故世必有聖
知之君而後有賢明之臣故虎嘯而風列龍興而致

雲師古曰列列蟋蟀族秋吟蟬蚩出以陰孟康曰蟬
師古曰蟋蟀今之促織也蟬蚩甲蟲也好叢

聚而生也朝生而夕死師古曰蚩音由字亦作蟬
龍在天利見大人師古曰乾卦九五爻辭也言王者

詩曰思皇多士生此王國師古曰大雅文王之詩也
此衆多賢士生此王國

此周王之國也故世平主聖俊艾將自至師古曰艾

讀曰艾

讀曰艾

讀曰艾

讀曰艾

讀曰艾

讀曰艾

李善曰號鍾琴名也謂伯牙以善鼓琴不說能擊鍾也且漢書多假借或以虛為號

尊卑曰昇逢

門善射者

張銑云翼飛疾貌沛大水貌言君臣道合如鴻鵠遇風

一舉千里如大魚游於大川得其性也

史記張耳陳餘傳吾責塞

李善云山堂書並拱而天下治呂建府云雍容閑和貌華華曰噓噓呼吸吐故納新能經鳥伸為壽而已矣

隆按自故聖主至篇末言君臣相得其功業之弘至于如此結語若不在繁而意實完切

若堯舜禹湯文武之君獲稷契臯陶伊尹呂望明明

在朝穆穆列布聚精會神相得益章師古曰雖伯牙

操遞鍾晉灼曰遞音遞送之遞二十四鍾各有節奏擊

鍾號鍾琴名也馬融笛賦曰號鍾高調伯牙以善鼓

琴不聞說能擊鍾也師古曰琴名是也字既作遞則

與楚辭不同不得即逢門子師古曰逢門善

鳥號弓名也猶未足以喻其意也故聖主必待賢臣

而弘功業俊士亦俟明主以顯其德上下俱欲驩然

交欣千載壹谷論說無疑翼乎如鴻毛遇順風沛乎

如巨魚縱大壑其得意若此則胡禁不止曷令不行

化溢四表橫被無窮遐夷貢獻萬祥畢臻師古曰臻

是以聖主不徧窺望而視已明不單頃耳而聽已聰

師古曰單盡極也頃讀曰傾恩從祥風翔德與和氣游師古曰大

平之責塞優游之望得遵遊自然之執恬淡無為之

場休徵自至壽考無疆雍容垂拱永永萬年何必偃

仰誠信若彭祖呼吸如喬松如淳曰五帝紀彭祖

傳彭祖殷大夫也歷夏至商末號年七百師古曰

噓音虛眇然絕俗離世哉師古曰眇然詩云濟濟多

士文王以寧師古曰亦文王之詩也濟濟盛貌也言

蓋信乎其以寧也是時上頗好神僊故康對及之上

令康與張子儵等並待詔數從康等放獵師古曰放

也一日游所幸官館輒為歌頌第其高下以差賜帛

放及田獵所幸官館輒為歌頌第其高下以差賜帛

議者多以為淫靡不急上曰不有博奕者乎為之猶

賢乎已辭賦大者與古詩同義小者辯麗可喜辟如

女工有綺縠音樂有鄭衛今世俗猶皆以此虞說耳

目師古曰虞與娛同辭賦比之尚有仁義風諭鳥獸草木多

聞之觀賢於倡優博奕遠矣項之擢康為諫大夫其

陳仁子曰捐之有捐介之節而石顯終也不得用而薦石顯此其志之數變特如當時鄭朋者流若非諫廢珠匡一疏殆為名教罪人矣其受身宜也
隆按歷紀珠匡反叛之年先為捐之議不當擊正案
又按捐之此議

乃祖治安遺風而人品太非其倫矣

黃霸翁曰捐之請勿擊珠匡王由則曰經義何以處之龔勝奏王嘉公孫祿則曰君議亡所據一時君臣相與從事經卒意亦未純美其中却自格言其言珠匡言罷以當時事稱觀之誠為有見
唐順之曰只平平敘事而得失自見
茅坤白一篇大指

後太子體不安苦湯忽忽善忘不樂詔使褒等皆之太子宮虞侍太子朝夕誦讀奇文及所自造作疾平復廼歸太子喜其所為甘泉及洞簫頌今後宮貴人左右皆誦讀之後方士言益州有金馬碧雞之寶可祭祀致也宣帝使褒往祀焉褒於道病死上聞惜之

賈捐之字君房賈誼之曾孫也元帝初即位上疏言得失召待詔金馬門初武帝征南越元封元年立儋耳珠厓郡皆在南方海中洲居也水屯可居舊曰洲廣袤可千里師古曰合十六縣戶二萬二千餘其民暴惡自以阻絕數犯吏禁吏亦酷之率數年壹反殺更漢輒發兵擊定之自初為郡至昭帝始元元年二十餘年間凡六反叛至其五年罷儋耳郡并屬珠厓至宣帝神爵二年珠厓二縣復反反後七年甘露元年九縣反輒發兵擊定之元帝初元元年珠厓又反發兵擊之諸縣更叛連年不定上與有司議大發軍捐之建議以為不當擊上使侍中駙馬都尉樂昌侯王商詰問捐之曰珠厓內屬為郡久矣今背畔逆節而云不當擊長蠻夷之亂虧先帝功德經義何以處之師古曰於六經之內捐之對曰臣幸得遭明盛之朝蒙危言之策無忌諱之患敢昧死竭卷卷師古曰舉臣聞堯舜聖之盛也禹人聖域而不優臣贊曰禹不能優秦恥但故孔子稱堯曰大哉韶曰盡善禹曰無間以三聖之德地方不過數千里西被流沙東漸于海朔南暨聲教迄于四海漸入也一日浸也朔北方也暨及欲與聲教則治之不欲與者不彊治也師也也與讀故君臣歌德師古曰言皆有含氣之物各得

日豫故君臣歌德師古曰言皆有含氣之物各得

隆按自堯舜至此言帝王之地不廣

隆按自及其衰至此言周末秦興廣地之害

林希元曰後官四句於上下又似無所獨古人又字多類此隆按自願聖漢至此言文帝不廣地之利某坤曰借或帝時窮兵之過以調當時一應前甚於後劉奉世曰元狩未漢以伐匈奴馬少不復出征矣指之之云蓋其誤也或者說以建元為元狩

其宜武丁成王殷周之太仁也師古曰武丁殷之南宗然地東

不過江黃西不過氏羌南不過蠻荆北不過朔方是

以頌聲並作視聽之類咸樂其生越裳氏重九譯而

獻晉灼曰遠國使來因九譯言詭乃通也張晏曰越也師古曰張說非也越裳自是國名非以襲衣裳始為稱號王充論衡作越裳此則不作衣裳之字明矣

此非兵革之所能致及其衰也南征不還師古曰謂

楚也齊桓採其難師古曰謂襄王也初為太子而惠盟以定太子之位孔子定其文張晏曰孔子作春秋

事在左傳僖五年夷狄之國雖大白稱

王者皆以至乎秦興兵遠攻食外虛內務欲廣地不

慮其害然地南不過閩越北不過太原而天下潰畔

禍卒在於二世之末長城之歌至今未絕賴聖漢初

興為百姓請命平定天下至孝文皇帝閱中國未安

優武行文則斷獄數百民賦四十丁男三年而一事

如淳曰常賦歲百二十歲一事時天時有獻千里馬

下民多故出賦四十三歲而一事師古曰竊推竊以羽

者詔曰竊旗在前屬車在後師古曰竊推竊以羽

駕出則陳於道而先行屬車相連屬而陳於後也吉行日五十里師行三十

里朕乘千里之馬獨先安之於是還馬與道里費而

下詔曰朕不受獻也其令四方毋求來獻當此之時

逸游之樂絕奇麗之略塞鄭衛之倡微矣夫後宮盛

色則賢者隱處佞人用事則諛臣杜口而文帝不行

故盜為孝文廟稱太宗至孝武皇帝元狩六年太倉

之粟紅腐而不可食都內之錢貫朽而不可校迺探

平城之事師古曰追討錄冒頓以來數為邊害籍兵

厲馬因富民以懷服之西連諸國至于安息東過碣

石以女乘樂浪為郡師古曰樂音北卻匈奴萬里更

起營塞制南海以為八郡則天下斷獄萬數民賦數

楊慎曰父戰死
千前云云李
華市古戰場文
全用其語意
唐順之曰曲盡
戰死之痛

隆按自孝武皇
帝至此言武帝
廣地之旨
蘇希元曰言極
激切

隆按至此雖提
出珠厓

隆按此與嚴助
論關越不當伐
同意

茅坤曰又非獨
珠厓破主上所
獨

隆按棄之不足
惜二句方盡一
篇本指

林希元曰此又
以近事言

王維栢曰捐之
議論正大明切
千古不可易此
秦漢以下之深
病也
蘇軾曰揚雄有
言珠厓之弃捐

百造隨鐵酒權之利以佐用度猶不能足當此之時

冠賊並起軍旅數發父戰死於前子鬪傷於後女子

乘亭郭孤兒號於道老母寡婦飲泣巷哭流涕以

入於口故遙設虛祭想寬乎萬里之外淮南王盜寫

虎符陰聘名士關東人孫東等詐為使者是皆廢地

秦大征伐不休之故也今天下獨有關東關東人者

獨有齊趙民衆父困連年流離離其城郭拍枕席於

道路人情莫親父母莫樂夫婦至嫁妻賣子法不能

禁義不能止此社稷之憂也今陛下不忍悄悄之怨

欲驅士衆擠之大海之中也音子謂反快心幽冥之

地非所以救助飢饉保全元元也詩云蠢爾蠻荆本

邦為歸師古曰歸小雅采芣之詩也蠢動貌也蠻言

聖人起則後服中國衰則先畔動為國家難自古而

患之矣矣何況迺復其南方萬里之蠻乎駱越之人

父子同川而浴相習以鼻飲與禽獸無異本不足郡

縣置也顛顛獨居一海之中師古曰專專霧露氣濕

多毒草蟲蛇水士之害人未見處戰士自死又非獨

珠厓有珠犀毒瑁也師古曰瑁瑁文申棄之不足惜

不擊不損威其民譬猶魚鼈何足貪也臣竊以往者

羌軍言之暴師曾未一年兵出不踰千里費四十餘

萬萬大司農錢盡迺以少府禁錢續之師古曰少府

故曰夫一隅為不善費尚如此況於勞師遠攻亡王

毋功乎求之往古則不合施之當今又不便臣愚以

為非冠帶之國禹貢所及春秋所治皆可且無以為

問丞相御史御史大夫陳萬年以為當擊丞相于定

之力也否則鮮
介易我冠裳此
言施于當時可
也自漢未至五
代中國避亂之
人多家于此今
冠裳孔樂蓋班
班矣其可復言
奔乎

黃憲曰罷珠崖
一議豈特有益
當時亦可垂詔
萬世惜其交揚
興以驟進自催
石頭之議鋒也
然君子不以人
廢言
王林曰典以一

令之微略無忌
憚蓋值元帝威
權不振之際元
曹散肆其妄如

第坤曰捐之附
與共為俠邪焉
得有終
王應麟曰捐
下筆言語如天

國以為前日與兵擊之連年護軍都尉校尉及丞凡
十十人還者一人卒士及轉輸死者萬人以上費用
二萬萬餘尚未能盡降今關東困乏民難搖動推之
議是上廼從之遂下詔曰珠崖虜殺吏民背畔為逆
今廷議者或言可擊或言可守或欲棄之其指各殊
朕日夜惟思議者之言羞戚不行則欲誅之狐疑辟
難則守重田通于時變則憂萬民夫萬民之飢餓與
遠蠻之不討危孰大焉且宗廟之祭凶年不備况乎
辟不嫌之辱哉今關東大困倉庫空虛無以相贍又
以動兵非特勞民凶年隨之其罷珠崖郡民有慕義
欲內屬便處之者所至之處即安置也不欲勿疆珠
里由是罷捐之數召見言多納用時中書令石顯用
事捐之數短顯以故不得官後稀復見而長安令楊

與新以材能得幸與捐之相善捐之欲得召見謂與
曰京兆尹缺使我得見言君蘭張晏曰揚與字京兆尹可立
得與曰縣官置言與喻薛大夫我易助也君房下筆
言語妙天下使君房為尚書令勝五鹿充宗遠甚捐
之曰今我得代充宗君蘭為京兆尹京兆郡國首尚書
百官本天下真大治士則不隔矣捐之前言平恩侯
可為將軍張晏曰許嘉也期思侯並可為諸曹師古日期思
之後嗣也皆如言又薦議者滿宣立為冀州刺史言
中謁者不宜受事官者不宜入宗廟立止相薦之信
不當如是乎師古曰異相薦之功當與曰我復見言
君房也捐之復短石顯與曰顯是貴如淳曰鼻音釘
也讀如今字是上信用之今欲進躬從我計師古曰
且與合意即得入矣捐之即與共為屬顯奏曰竊

下議弄珠匣有
乃祖餘風然于
石頭乍依乍賢
則沒于權利矣
管子云少有不
未聞君子之大
道賈相之以之

見石顯本山東名族有禮義之家也持正六年未嘗
有過明習於事敏而疾見出公門入私門自公庭出
即歸其家宜賜爵關內侯引其兄弟以為諸曹又共
為薦與奏曰竊見長安令與幸得以知名數召見興
事父母有曾氏之孝師古曰事師有顏閔之柱日顏
回閔榮名聞於四方明詔崇茂材列族以為首為長
安令吏民敬鄉道路皆稱能觀其下筆屬文則首仰
帝進談動辭則東方生置之爭臣則汲直張晏曰汲
汲直世謂之用之介胃則冠軍侯施之治民則趙廣漢抱
公絕私則不食餽與兼此六人而有之守道堅固執
義不回臨大節而不可奪國之良臣也可試守京兆
尹石顯聞知白之上遇下與捐之獄今皇后父陽平
侯榮與顯共雜治奏與捐之懷詐偽以上語相風更

唐仲友曰拍之
諫茂珠匪一事
與數助甚別自
取其死與身
同不可以公察
言


第坤曰謂之自
取則可謂之不
排不陷不諂則
不可大略村雋
之士行誼不固
多賈禍已

相薦譽欲得木位漏泄省中語罔上不道書曰讒說
殄行震驚朕師師古曰虞書舜典之辭也言讒巧
制順非而澤不聽而誅師古曰禮記王制云行爲而
而澤以疑衆殺謂人有堅爲辨言不以誠質學於非
道雖博無用飾非文過辭語順澤不聽教命有如此
者皆誅請論如法捐之竟坐棄市興滅死罪一等髡
鉗為城曰成帝時至部刺史

贊曰詩稱戎狄是膺荆舒是懲師古曰魯頌閟宮之
也言魯僖公與齊桓舉義兵北當詩也膺當也懲創刈
戎狄南創荆舒與羣舒以靖難久矣其為諸夏患
也漢興征伐胡越於是為盛究觀淮南捐之主父嚴
案之義深切著明師古曰究極也故備論其語世稱公孫弘
排主父張湯陷嚴助石顯諸捐之察其行迹主父求
欲鼎亨而得族嚴賈出入禁門招權利死皆其所也
亦何排陷之恨哉 漢書評林卷之六十四下終


Faint, illegible text at the top of the right page, possibly bleed-through from the reverse side.

Main body of faint, illegible text on the right page, arranged in vertical columns.



Red vertical text at the bottom of the right page, possibly a date or signature.





IIIK

(M-3)

(M-1)

IIIK

(M-2)

(M-2)